

重校刻平津館叢書

第

集



14498

禹貢第三上 虞夏書三

尚書今文注疏卷三

賜進士及第授通奉大夫山東督糧道加三級孫星衍撰

疏

貢者廣雅釋詁云上也稅也釋言云獻也楚語觀射

常也常入征稅也詩甫田傳云彼太古之時以丈夫為井

田也歲取十千於井田之法則一成之數也九夫為井

井稅一夫其田百畝井十為通通稅十夫其田千畝通

十為成成方十里成稅百夫其田萬畝欲見其數從井

通起故言十千上地穀畝一鍾據此則黃帝制井田當

有稅夫之法即貢也史記五帝本紀云軒轅乃習用千

戈以征不享索隱云謂征諸侯之不朝享者本或作亭

案考工記注鄭司農云莫讀為亭則亭即莫顧命所謂

一二臣衛敢執壤莫鄭注以為享禮亦貢也古有稅民

之法及諸侯貢法堯時遭洪水不能修其制至禹始更

作之夏本紀云禹乃行相地宜所有以貢及山川之便

利詩韓奕云維禹甸之箋云禹甸之者決除其災使成

平田定貢賦於天子孟子滕文公篇云夏后氏五十而

貢般人七十而助周人百畝而徹其實皆什一也注云

民耕五十畝者貢上五畝古以貢當稅即經所言

注

賦凡貢之物不在賦外故孟子云夏貢什一也

禹敷土注史遷敷作傅馬融曰敷分也鄭康成曰敷布

注

也布治九州之水土敷一作溥注史公敷作傅者夏本

稷奉帝命命諸侯百姓與人徒以傅土傳與敷音相近

蓋釋傳為治也孟子滕文公篇云舉舜而敷治焉注引

經云是言治其土也廣雅釋言云傳敷也治水土非一

人之力故奉帝命與人徒馬注見史記集解云分者言

分為九州漢書地理志注云敷分也書序云禹別九州

馬義所本鄭注見周禮大司樂疏云敷布者山海經海

內經云帝乃令禹卒布土以定九州布土即敷土詩傳

云敷布也說文云尊布也敷收也書傳以敷為尊音相

近假借字又鄭注周禮大司樂云禹治水傳土言其德

能大中國也商頌長發云禹敷下土方箋云禹敷下土

能大中國也商頌長發云禹敷下土方箋云禹敷下土

能大中國也商頌長發云禹敷下土方箋云禹敷下土

能大中國也商頌長發云禹敷下土方箋云禹敷下土

正四方廣大其竟界之時始有王天下之萌兆鄭意又以敷爲大者詩傳云溥大詩釋文引韓詩敷敦淮瀆云敷大也荀子隨山刊木史遷隨作行刊作表鄭康成成相篇作溥

曰必隨州中之山而登之除木爲道以望觀所當治者

則規其形而度其功焉刊一作棗亦作棗史公說隨爲行者廣

雅釋詁云隨行也淮南修務訓隨山棗木高誘注隨循也循義近行刊爲表者周語云道無列樹注云古者列

樹以表道刊蓋削而識之鄭注見書疏以刊爲除者春秋左氏襄廿五年傳云井堙木刊注云刊除也刊說文

作棗云槎識也引此文讀若刊策又作棗又云槎表斫也魯語云山不槎斲注云槎斫也槎識者斫木爲識卽

表道也管子形勢解云禹身決瀆斬高橋下以爲民利蓋古說以刊木爲斬高木以橋下隰也

莫高山

大川注史遷說莫爲定大傳說高山大川五嶽四瀆之

書疏第三上

屬馬融曰定其差秩祀禮所視也史公說莫爲定者周禮司市云平肆

展成莫賈注云莫讀爲定杜子春云莫當爲定是莫與

定通也大傳說高山大川爲五嶽四瀆者見史記集解

今大傳脫文大傳云五嶽謂岱山霍山華山恒山嵩山

也江淮河濟爲四瀆五嶽視三山四瀆視諸侯其餘山

川視伯小者視子男見白虎通巡守篇五嶽以南嶽爲

霍山今文家說也見堯典疏馬氏注見史記集解書疏

及王制疏引鄭注大傳云所視者謂其性幣冀州既載

棗盛籩豆爵獻之數非謂尊卑足証馬義也

史遷說爲禹行自冀州始冀州既載馬融曰載載于

書也鄭康成曰兩河間曰冀州不書其界者時帝都之

使若廣大然載之言事事謂作徒役也禹知所當治水

又知用徒之數則書於策以告帝徵役而治之說文云冀

北方州也淮南子地形訓云正中冀州曰中土注云冀大也四方之主故曰中土也呂氏春秋有始覽云兩河之間爲冀州晉也注云東至清河西至西河書疏引李巡云兩河間其氣清厥性相近故曰冀冀近也釋名云冀州取地以爲名也其地有險有易帝王所都亂則冀治弱則冀疆荒則冀豐也按鄭注舜肇十有二州云舜於舊九州外分青州爲營州冀州爲并州幽州至夏仍合爲九州則禹貢冀州兼幽并二州之地故說文以爲北方州字从北也史公說爲自冀州始者詩傳云載始也則史記下云冀州既載說爲冀州既始耳馬注見釋文云載於書者春秋左氏僖六年傳云載在盟府注云載載書也鄭注見史記集解又見公羊傳莊十年疏及書疏云兩河間曰冀州者用釋地文云不書其界者据下兗州有云濟河惟兗州海岱惟青州已下諸州皆書其界則此亦當以山河爲界而不書之使若廣大也云時帝都之者春秋左氏哀六年傳引夏書曰惟彼陶唐有此冀方注云唐虞及夏同都冀州疏云堯治平陽在冀州也地理志云河東本唐堯所居詩風唐魏之國也又

書疏第三上

三

平陽應邵曰堯都也在平河之陽郡國志太原郡平陽本唐國注云毛詩譜曰堯始都於此後遷河東平陽平陽故城在今山西臨汾縣西南云使若廣大者高誘注淮南云冀大也義與鄭同云載之言事者周書諡注云載事也漢書載其清靜卽事其清靜云作徒役者因夏本紀有奉帝命命諸侯百姓興徒以傳土故云然也

壺口治梁及岐注馬融曰壺口山名鄭康成曰地理志

壺口在河東北屈梁山在左馮翊夏陽岐山在右扶風

美陽西北於此言治梁及岐者蓋治水從下起以襄水

害易也

疏

馬注見釋文鄭注見史記集解又見詩周南

郡北屈禹貢壺口山在東南鄭于北屈下脫東南或省文水經禹貢山水澤地所在同案北屈在今山西吉州西山在州西南七十里又漢志馮翊夏陽禹貢梁山在西北鄭脫西北水經禹貢山水澤地所在云在夏陽縣

西北河上案夏陽縣在今陝西韓城縣西南山在縣西北九十里漢志右扶風美陽禹貢岐山在西北中水鄉周太王所邑案美陽在今陝西扶風縣北山在陝西岐山縣東北十里水經汾水注云汾水南與平水合水出平陽西壺口山尙書所謂壺口治梁及岐也此山在今山西汾陽縣西南與地理志說異云治水從下起者書疏云壺口西至梁山梁山西至岐山從東向西言既修之也按梁岐是雍州山而見于冀州故云從下起

太原至于岳陽注鄭康成曰岳陽縣太岳之南于地理

志太原今以爲郡名太岳在河東故縣彘東名霍太山

修者廣雅釋詁云治也陽者說文云山南曰陽鄭注見詩唐風譜疏云太原今以爲郡名者地理志及郡國志云太原郡在晉陽屬并州杜氏春秋釋例云晉大鹵太原大夏參虛晉陽一地六名案今山西太原府太原縣也云太岳在河東故縣彘者漢志河東郡彘霍太山在東冀州山案彘縣在今山西霍州西山在州東南

書疏第三上

三十 **覃懷底績至于衡漳**注史遷說底績爲致功馬融

曰衡漳水名鄭康成曰懷縣屬河內地理志云漳水出

上黨沾縣大要谷東北至安平阜城入河行千六百八

十里**衡漳者漳水橫流入河**疏覃懷者地理志河內郡

記索隱云蓋覃懷二字或當時共爲一地之名按懷縣故城在今河南武陟縣西卽覃懷也史公說底爲致者釋言文績爲功者釋詁文也馬注見釋文鄭注見史記集解又見周禮職方氏疏及書疏引地理志云云者漢志上黨長子鹿谷山濁漳水所出東至鄴入清漳沾縣大要谷清漳水所出東北至阜城入大河過郡五行千六百八十里與鄭所引畧同而鄭不引濁漳以其入清漳畧之也案沾縣今山西樂平縣阜城字或譌爲邑城今屬直隸河間府云衡漳漳水橫流入河者經典衡多與橫通水經濁漳水又東北過斥章縣南注云魏太祖

鑿渠引漳水東入清洹以通河漕名曰利漕渠漳津故瀆水斷舊溪東北出涓流濼注而已尚書所謂覃懷底績至於衡漳者也又北逕平恩故城西按斥章故城在今直隸曲周縣東平恩故城在今山東邱縣西史記正義引括地志云衡漳水在瀛州東北百二十里平舒縣界也平舒漢之東平舒今直隸大城縣清漳水過郡五者上黨魏郡廣厥土惟白壤注史遷厥皆作其馬融曰平鉅鹿信都也

壤天性和美也注史公厥皆為其下不更出馬注見釋文以壤為天性和美者說文云壤柔

也鄭注周禮云壤亦土也變言耳以萬物自生焉則言土土猶吐也以人所耕而樹藝焉則言壤壤和緩之貌

然則鄭于此雖缺注厥賦惟上上錯注馬融曰地有上下

相錯通率第一鄭康成曰此州入穀不貢賦之差一井

上上出九夫稅上中出八夫稅上下出七夫稅中上出

書疏第三上

六夫稅中中出五夫稅中下出四夫稅下上出三夫稅

下中出二夫稅下下出一夫稅通率九州一井稅五夫

注賦者廣雅釋詁云稅也錯者詩傳云雜也馬注見釋文云通率第一者九州之中為第一也偽傳云雜出

第二非馬義鄭注見書疏及王制疏云此州入穀不貢者王制云天子百里之內以其官千里之內以為御注

云謂此州之田稅所給也官謂其文書財用也御謂衣食周禮閭師疏引鄭志云田稅如今租矣王制又云千

里之內曰甸注云服治田出穀稅千里之外曰采注云九州之內地取其美物以當穀稅據此知冀州畿內惟

入穀稅也詩甫田疏引鄭志云凡所貢篚之物皆以稅物市之隨時物價以當邦賦周禮太宰以九貢致邦國

之用疏云諸侯國內得民稅大國貢半次國三之一小國四之一所貢者市取當國所出美物則禹貢所云厥

篚厥貢之類是也據此知餘州雖有厥貢之文不入穀準其賦之額買土物以貢此州不言厥貢以帝都所需

令有司市買不煩諸侯貢篚故入穀不貢也云賦之差
一井上上出九夫稅者江氏聲云孟子云夏后氏五十
而貢般人七十而助周人百畝而徹其實皆什一也又
云井九百畝其中爲公田又云惟助爲有公田是則夏
制什一稅夫田不盡井鄭注周禮匠人備引孟子文而
云周制畿內用夏之貢法稅夫無公田是鄭氏亦謂夏
時無井田也此以井計者以九夫爲井差爲九等甚便
故假以言之爾王制疏云以禹貢九州有上中下三等
故以井田計之是也云一井上上出九夫稅者一井之
中九夫各以所收之什一爲稅上中出八夫稅者謂通
九夫共出八夫所收之什一爲稅以下至出一夫稅皆
謂九夫通出其什一也詩甫田疏節引此注而以爲鄭
欲品其多少無所比況遂以九井擬之以示稅之多少
非其實稅之也是以其賦之輕重懸殊而疑其非實稅
案左氏襄二十五年傳云度山林鳩藪澤辨京陵表淳
鹵數疆潦規偃豬町原防牧隰臯井衍沃疏引賈逵注
以爲賦稅差品云山林之地九夫爲度九度而當一井
也藪澤之地九夫爲鳩八鳩而當一井也京陵之地九

書疏第三上

夫爲辨七辨而當一井也淳鹵之地九夫爲表六表而
當一井也疆潦之地九夫爲數五數而當一井也偃豬
之地九夫爲規四規而當一井也原防之地九夫爲町
三町而當一井也隰臯之地九夫爲牧二牧而當一井
也衍沃之地畝百爲夫九夫爲井夫日九度而當一井
非卽一井出一夫稅乎其九等之差正與此九等之稅
同何見而疑此非實稅耶雖此是田賦與左傳通計山
林等九者不同然周禮授民田有不易一易再易則田
之肥磽固有相懸數倍者且如左傳所云九等之地九
州皆有苟是州沃衍之地多則統一州而計通率一井
可得八九夫稅設是州山林藪澤之地多則統一州而
計通率出一二夫稅況其田有不易一易再易之殊則
一井稅五夫者有九夫稅有一夫稅合之共十夫均分
之則各五夫其八夫通二夫七夫通三夫六夫通四夫
均之則皆然率一井稅五夫也周禮授民田不易者百
數一易者倍之再易者三之通率三家而受六夫其野
則六家而受十三夫其賦則惟計見耕之田而稅之通
而計之則一夫之地惟稅五十畝故管子幼官篇云田

租百取五卽此制也地力肥磽古今如一推之夏制田賦之法當亦一夫惟稅五十畝故孟子曰夏后氏五十而貢其實什一也能安生禮疏云夏厥田惟中

注馬

融曰土地有高下鄭康成曰地當陰陽之中能吐生萬物者曰土據人功力競得而田之則爲之田田著高

下之等者當爲水害備也

疏田者說文云陳也樹穀曰田象四口十阡陌之制也

爾雅釋文引李注云田陳也謂陳列種穀之處馬注見釋文云土地有高下者據地勢言之不論肥瘠也鄭注見書疏云地著高下之等者田之九等以地形高下分之不與賦同漢書敘傳云坤作陸執高下九則注引劉德曰九則九州土田上中下九等也是鄭本舊說且田之九等上者非肥下者非磽溝洫志賈讓奏言若有渠溉則鹽鹵下濕填淤加肥故種禾麥更爲秔稻高田五倍下田十倍詩信南山疏引孝經注云高田宜黍稷下

書疏第三上

七

田宜稻麥是田之高下各有宜種之物故鄭云當爲水害備也江氏聲云崑崙高一千里九州在崑崙東南故西北高東南下雍州在西北田上上揚州在東南田下下推之餘州知以高爲上卑爲下也王肅等云土地各有肥瘠不應冀州中之田反出上上之賦雍州田上上反出中下之賦其說非是云地當陰陽之中者五行木火爲陽王于春夏金水爲陰王于秋冬土位中央王于四者之間是當陰陽之中也云吐生萬物者白虎通五行篇云土主吐含萬物土之爲言吐也云據人功力競得而田之則謂之田者釋名云田填也五稼填滿其中也已耕者曰田周恒衛既從大陸既作

注史遷

恒作常說既作曰既爲鄭康成曰地里志恒水出恒山

衛水在靈壽大陸澤在鉅鹿北爾雅釋地八藪晉有大

陸

疏史公恒作常地理志亦稱恒山爲常山郡鄭注見史記集解及通典又見周禮大司徒疏引地里志

者漢志常山郡上曲陽恒山北谷在西北并州山禹貢
恒水所出東入滌靈壽縣禹貢衛水出東北東入虜池
水經云滌水東過中山上曲陽縣北恒水從西來南注
之注云自下滌水兼納恒川之通稱焉卽禹貢所謂恒
衛旣從也案上曲陽今直隸曲陽縣恒山在西北恒水
合滌水在縣東北靈壽今屬直隸眞定府衛水在縣東
北又南流逕縣東入虜池鄭以大陸爲鉅鹿者地理志
鉅鹿禹貢大陸澤在北案古澤在今直隸鉅鹿縣北今
則在新河寧晉二縣之交此班氏及鄭氏義也呂氏春
秋有始覽云晉之大陸注云魏獻子所居又云趙之鉅
鹿注云廣阿澤也是則秦時說大陸鉅鹿爲二處春秋
左氏定元年傳魏獻子田于大陸還卒于甯注云疑此
田在汲郡吳澤荒蕪之地甯今修武近吳澤書疏引杜
氏春秋說云嫌鉅鹿絕遠以爲汲郡修武縣吳澤也淮
南地形訓亦分大陸鉅鹿爲二藪然則爾雅旣云晉有
大陸注以爲趙之鉅鹿廣河澤非也禹貢大陸亦當以
晉之吳澤爲是在今河南修武縣水經淇水注引晉書
地道記曰朝歌城本沫邑也紂都在禹貢冀州大陸之

書疏第三上

野卽此矣水經濁漳水注云自甯迄於鉅鹿出於東北
皆爲大陸則合大陸鉅鹿爲一鄭氏爲調停之說疑非
也古說當從

修武之大陸 **曷夷皮服** **注** 史遷曷作鳥馬融曰鳥夷國
鄭氏曰鳥夷東北之民賦食鳥獸者 **疏** 史公曷作鳥者

三十二皓云曷古作鳥馬注見釋文鄭注見史記
集解及書疏皆作鳥疏引東北作東方賦作搏 **夾右**

碣石入于河 **注** 史遷河作海鄭康成曰戰國策碣石在

九門縣今屬常山郡蓋別有碣石與此名同今驗九門

無此山也禹由碣石山西北行盡冀州之境還從山東

南行入河治水旣畢更復行之觀地肥瘠定貢賦高下

疏 漢書武帝紀詔曰東巡海上至碣石注文穎曰在遼
西索縣索縣今罷屬臨渝此石著海旁水經禹貢山

水澤地所在云碣石山在遼西臨榆縣南水中注云大禹鑿其石夾右而納河秦始皇漢武帝皆嘗登之海水西侵歲月逾甚而苞其山故云海中矣水經河水注又云河之入海舊在碣石今川流所導非禹瀆也周定王五年河徙故瀆故班固曰商竭周移也又云漢武帝元光二年河又徙東郡更注勃海是以漢司空王橫言曰往者天嘗連雨東北風海水溢西南出侵數百里故張揖云碣石在海中蓋淪於海水也案臨榆今奉天府西境地史公河作海者集解徐廣曰海一作河酈道元既云夾右而納河則入河亦是也鄭注見書疏云戰國策碣石在九門縣云云者地里志常山九門無碣石山郡國志常山國九門劉昭注有碣石山引戰國策云在縣界今戰國策無此文案九門今直隸藁城縣無山可指故鄭云今驗九門無此山也地里志漁陽驪成大碣石山在縣西南案驪成今直隸撫寧縣屬永平府蓋近臨渝然則九門既無山可証鄭云別有碣石或以禹貢碣石在臨渝今注脫文耳

濟河惟兗州

注史遷兗作沘鄭康成曰言

書疏第三上

九

沘州之界在此兩水之間濟一作沘兗一作沘

注沘字

橫水在上隸之變也經文下作沘濟本字作沘說文沘沘也東入于海經作濟假音字此濟出常山房子贊皇山名東至濟今在直隸爾雅釋地云濟河間其氣專質厥性自河東至濟公羊疏引李巡云濟河間其氣專質厥性信謹故曰兗充信也釋名云兗州取兗水以爲名也晉書地理志引春秋元命包云兗端也信也呂氏春秋有始覽云河濟之間爲兗州衛也注云河出其北濟經其南沘作沿者說文云沘九州之渥地也故以沘名焉古文作沿又作容鄭注見史記集解云在此兩水之間者亦如高誘注河出其北濟經其南也

九河既

道注馬融曰九河名徒駭太史馬頰覆釜胡蘇簡潔鈞

盤鬲津鄭康成曰河水自上至此流盛而地平無岸故能分爲九以衰其勢壅塞故通利之也九河之名徒駭

太史馬頰覆釜胡蘇簡潔鈎盤鬲津周時齊桓公塞之

同為一今河間弓高以東至平原鬲津往往有其遺處

焉疏

九河之名見爾雅云從釋地已下至九河皆禹所

徒衆起故曰徒駭孫炎云徒駭禹疏九河用功雖廣衆

懼不成故曰徒駭郭注云今在成平縣漢地理志勃海

成平浮陽縣徒駭河九河之一與清池相接案成平在

本漢浮陽縣徒駭河東南也曰太史書疏引李巡云太史禹大

使徒衆通其水道故曰太史詩疏引孫炎云太史者徒

衆故依名云釋文引或云太史者史官記事之處元子

欽齊乘云太史在東光之北成平之南又云當在清滄

二州之間明一統志云太史河在南皮縣北曰馬頰爾

雅釋文引李巡孫炎云河勢上高下狹狀如馬頰也通

典云馬頰在平原郡界元和郡縣志云德州安德縣馬

頰河在縣南五十里又云平昌縣馬頰河在縣南十里

書疏第三上

十

安德縣今山東德州也曰覆釜詩疏引李巡云覆釜者

水多清其渚往往而處狀如覆釜釋文引孫炎云水中

多渚往往而有可居之地狀如覆釜之形通典云覆釜

在平原郡界齊乘云在東光之北明一統志云舊志所

載有覆釜枯河自慶雲經海豐縣入海曰胡蘇詩疏

引李巡云胡蘇者其水下流故曰胡蘇胡下也蘇流也

孫炎云胡蘇者水流多散胡蘇然地理志勃海東光有

胡蘇亭水經淇水注云清河東至東光縣西南逕胡蘇

亭通典滄州東光縣舊縣古胡蘇河在此齊乘云滄
州之南有大連陂西踰東光東至海是也今在直隸滄
州曰簡詩疏引李巡云簡大也河水深而大也書疏引
孫炎云簡者水通易也史記正義云簡在貝州歷亭縣
界歷亭今山東恩縣屬東昌府也曰潔書疏引李巡云
絜言河水多山石治之苦潔潔苦也釋文引孫炎云水
多約潔輿地廣地云簡潔在臨津金史地理志滄州南
皮有潔河南皮今直隸縣曰鈎盤書疏引李巡云鈎盤
言河水曲如鈎屈折如盤也釋文云李本作股云水曲
如鈎折如人股故曰鈎股詩疏引孫炎云水曲如鈎盤

桓不前也釋文引郭氏音義云鬲般今皆爲縣屬平原郡後漢書袁紹傳云公孫瓚還屯槃河注云故河道在今德州昌平縣界入滄州樂陵縣今名枯槃河通典云鈞盤在景城郡水經河水注云大河故瀆東出亦通謂之篤馬河故渠川派東入般縣爲般河亦九河之一道也元和郡縣志云棣州陽信縣鈞盤河經縣北四十里太平寰宇記滄州樂陵縣鈞盤河在縣東南五十里案樂陵今山東縣屬武定府也曰鬲津詩疏引李巡云鬲津者河水狹小可隔曰鬲津孫炎云鬲津者水多院狹可隔以爲津而橫渡也地理志平原鬲縣平當以爲鬲津元和郡縣志德州安德縣北漢舊縣鬲津枯河在縣南七十里案鬲縣故城在今山東德州北詩疏云徒駭是九河之最北者鬲津是九河之最南者爾雅之文從北而說也太史馬頰鈞盤文在胡蘇之上則三者之在北而說也太史馬頰鈞盤文在胡蘇之上則三者之在北而說也太史馬頰鈞盤文在胡蘇之上則三者之在北而說也

書疏第三上

士

商以爲古說九河之名有徒駭胡蘇鬲津今見在成平東光鬲界中自鬲以北至徒駭間相去二百餘里今河雖數移徙不離此域水經漳水注云九河既播八枝代絕遺迹故稱往往時存故鬲盤列於東北徒駭瀆聯漳絳同逆之狀麤分陂障之會猶存是古說九河遺迹也馬注見史記集解鄭注見詩般疏云周時齊桓公塞之同爲一河者公羊疏引尙書中候云齊桓之霸遏八流以自廣書疏引春秋緯寶乾圖云移河爲界在齊呂埴邊八流以自廣

雷夏既澤澗沮會同注鄭康成曰雍水是鄭說所本也

沮水相觸而入此澤中地理志曰雷澤在濟陰城陽縣

西北

雷夏既澤謂雷澤五帝本紀云舜耕歷山漁雷澤集解引鄭氏云雷夏兗州澤今屬濟陰水經

禹貢山水澤地所在云雷澤在濟陰成陽縣西北注云瓠子河故瀆自句陽縣西又東逕雷澤北澤在大成陽故城西北十餘里其陂東西二十餘里南北十五里卽舜所漁也按句陽故城在今山東荷澤縣北雍沮水名

爾雅釋水云水自河出爲澗許氏說文云河澗水在宋濮州南則宋地也史記正義引括地志云雷夏澤在濮州雷澤縣郭外西北澗沮二水在雷澤西北平地也按其水故道在今山東濮州河漫變爲平陸矣鄭注見史記集解引地理志與漢志同

桑土既蠶

鄭康成曰其地尤宜蠶桑

因以名之今濮水之土地有桑間者疏蠶者說文云在絲也任同

姪鄭注見詩譜疏云今濮水之土地有桑間者樂記桑間濮上之音注云桑間在濮陽郡國志東郡濮陽劉昭注引博物記曰

是降丘宅土注史遷作於是民得下丘

居士鄭康成曰此州寡於山而夾川兩大流之間遭洪

水其民尤困水害既除於是下丘居士以其免于厄尤

喜故記之疏史公降作下者爾雅釋詁降下同訓落降亦下也宅作居者釋言文也風俗通山澤

篇引宅作度說之云堯遭洪水萬民皆山棲巢居以避其害禹決江疏河民乃下丘營度爽塏之場而邑落之故丘之字二人立一上一者地也四方高中央下象形也義與鄭同而云丘从二人與說文从北不合鄭注見書疏云夾川兩大流

之間者謂河濟也

厥土黑墳厥草惟繇注馬融曰墳

有膏肥也繇抽也草一作少繇一作繇疏馬注見釋文云墳有膏肥

者鄭注周禮草人云墳壤潤解義相近墳肥聲之轉故漢地理志壤墳應邵讀墳爲肥太平御覽引倉頡解詁云墳臙多滓也墳音近臙云繇抽也者繇聲近臙說文

畀木生條也玉篇作草木生條也蓋後人因說文引商書頭木畀枿之詞刪其草字生條即抽也草漢地理志

作少說文云少艸木初生也讀若徹漢書借爲艸字也

繇一作繇見說文

厥木惟條疏條者詩傳云長也漢引此經云草盛貌

田惟中下厥賦貞作十有三載乃同注史遷載作年馬

書疏第三上

融曰禹治水三年八州平故堯以為功而禪舜是十二年而八州平十三年而兗州平兗州平在舜受終之年也鄭康成曰貞正也治此州正作不休十三年乃有賦

與八州同言功難也其賦中下乃一作迺疏史公載為年者經文

本作年後人泥唐虞曰載之文盡改為載也馬注見書疏云十二年而八州平十三年而兗州平者史記河渠書引夏書曰禹抑鴻水十三年過家不入門今云治水三年八州平蓋并鯀九年數之為十二年與鄭異也鄭注見史記集解云貞正也者子夏易傳云貞正也云治此州正作不休者讀厥賦貞作為句以作為耕作也應邵注漢書云東作耕也蓋兗州被水害最深故成賦最後十三年乃有賦也江氏聲改鄭注中下為下下云九州之賦當有九等參八州入等獨無下下此州當下也則史記集解所引或誤作中下也乃一作迺見漢書

書疏第三上

三

地理 厥貢漆絲厥篚織文注鄭康成曰貢篚別之允征

受而藏之其實于篚者入于女功故以貢篚別之允征

云篚厥元黃昭我周王篚一作棐疏漆當為棐此假漆水字為之說文棐

木汁可以繫物周禮載師漆林之征注鄭司農云故書漆林為棐林杜子春云當為棐林絲者說文云蠶所吐也篚當為匪漢地理志引此作棐假音字說文匪器似

竹篋篚車笥也鄭注儀禮云篚竹器如笥者織文者玉藻云土不衣織鄭注云織染絲織之也說文云錦襄邑

織文也按襄邑陳留縣水經淮水注引陳留風俗傳曰縣南有渙水故傳曰睢渙之間出文章天子郊廟御服

出焉尚書所謂厥篚織文者也詩甫田疏引鄭志云凡

所貢篚之物皆以稅物市之隨時物價以當邦賦是夏

時以賦為貢非貢外別有賦也鄭注冀州特言此州入穀不貢明餘州有貢皆無穀稅也鄭注見書疏云貢者百物之府云云者周禮貨賄入于大府王府內府之等

嬪婦之功入典婦功典絲典泉之等夏官雖少于周當亦物各有司所入異處故云其實于篚者入于女功也引允征者史記集解引鄭注云允臣名詩鹿鳴傳引書曰篚厥元黃郭氏注爾雅引逸書曰釗我周王釗音同昭卽此文蓋孔壁逸十六篇鄭氏猶見之非今僞傳允征也云周王者鄭注禮記云忠信爲周循云平王寧王之周也

浮于濟潔達于河注史遷達作通鄭康成曰地理志云潔水出東郡東武陽濟一作沛潔一作濕疏濟

當爲沛說文沛沈也沘水出河東東垣王屋山東爲沛潔當爲濕說文水出東郡東武陽入海桑欽云出平原高唐地理志云平原郡高唐桑欽言潔水所出東郡東武陽高唐治潔水東北至千乘入海過郡三行千二百里濕作潔者假音字案東武陽今爲山東朝城縣高唐今爲山東高唐州漢志言禹所治者史記河渠書云禹斯二渠以引其河孟康云二渠其出貝丘西南南折者卽河之經流也其一則濕川也河自王莽時空惟用濕耳

書疏第三上

古

故班氏以爲禹所治也經云達于河者河之通濟在成皋水經河水東過成皋縣北濟水從北來注之注河水東經懷縣南濟水故道之所入是也案懷今河南武陟縣潔水注之高唐故城在今山東禹城縣西潔水通河故道也今大清河卽故濕小清河卽故沛過郡三當爲五五者東郡清河平原濟陰千乘也史記達爲通者與廣雅釋詁同鄭注見史記集解鄭引地理志潔水出東武陽不引平原高唐桑欽言潔水所出者水經河水注云按穆天子傳天子自五鹿東征釣於濕水尋其沿歷逕趣不得近出高唐也桑氏所言蓋津流所出次於是間也故鄭畧之水經注又引地理風俗記曰濕水東北至千乘入海河盛則通津委注水耗則微涓絕流書浮于濟潔亦是水者也按千乘今山東高苑縣地也

岱惟青州注鄭康成曰東自海西至岱東嶽曰岱山疏海者東海春秋左氏僖四年傳云管仲曰召康公賜我先君履東至于海岱者水經禹貢山水澤地所在云岱

山爲東嶽在泰山博縣東北詩疏引風俗通云泰山尊曰岱宗岱者長也萬物之始陰陽交代青州者呂氏春秋有始覽云東方爲青州齊也釋地云齊曰營州公羊疏引李巡云齊其氣清舒受性平均故曰營營平也今爲青州又引孫氏云自岱東至海詩疏引孫炎云此蓋殷制釋文云爾雅營州爲禹貢之青州矣鄭注見史記集解

岨夷既畧

注

馬融曰岨夷地名用功少曰畧岨一作

禺又作岨夷一作鐵

疏岨夷史記索隱引今文尙書及帝命驗並作禺鐵云在遼西鐵

古夷字也說文鐵古文从夷蓋緩讀之卽爲夷聲矣說文又云岨夷在冀州陽谷立春日日值之而出尙書曰宅岨夷以岨爲封岨山字則古文岨本从土唐虞青州既兼營州則當越海而至遼東與冀州連界故許氏云在冀州也畧者說文云經畧土地也廣雅釋詁云畧治也經言畧者義當爲治馬注見史記集解以畧爲云用功少者漢書集注畧簡也高誘注淮南子云畧約要用也簡約是用功少之義以在海外治之不多用功也

書疏第三上

五

淄其道 **注**史遷其作既鄭康成曰濰淄兩水名地理志

云濰水出瑯邪箕屋山淄水出泰山萊蕪縣原山淄一

作淄

疏淄俗字漢志作淄周禮作菑說文無淄字俗加

解及詩譜疏引地理志者漢志琅邪郡箕縣禹貢濰水北至都昌入海過郡三行五百二十里兗州寢也說文云濰水出琅邪箕屋山東入海徐州浸夏書曰濰淄其道案箕縣故城在今山東莒州東屋山在州西北過郡三者琅邪高密北海也都昌今山東昌邑縣云淄水出泰山萊蕪者地理志泰山萊蕪原山淄水所出東至博昌入沛萊蕪今山東縣屬泰安府博昌今山東博興縣地理志言入沛鄭不引者漢志言入沛水經云東過利縣東又東北入于海按水經注淄水經琅槐故城南又東北逕馬井城北與時繩之水互受通稱又東北至皮丘沈入于海是淄水下流異

厥土白墳海濱廣斥 **注**史

遷斥作渴一作澤下又云厥田斥鹵鄭康成曰斥謂地

鹹鹵濱一作瀕**疏**濱俗字當為瀕漢書地理志作瀕說

作澤又作斥地理志亦作渴渴當為鳥史記何渠書云

溉澤鹵之地索隱曰澤一作鳥本或作斥文選海賦云

襄陵廣鳥注云斥為鳥古今字也周禮草人鹹鳥用豕

注云渴鹵也是澤斥鳥三字通俗加水作渴鄭注見史

記集解云斥謂地鹹鹵者說文云鹵厥田惟上下厥賦中

鹵鹹地東方謂之斥西方謂之鹵

上厥貢鹽絺海物惟錯**注**鄭康成曰海物海魚也魚種

類尤雜**疏**此州貢鹽者爾雅釋地云中有岱岳與其五

鹽屋祈望守之管子地員篇云齊有渠展之鹽又云齊

濟水為鹽史記貨殖傳云太公望封于齊其地渴鹵通

魚鹽則人物歸之絺者詩葛覃傳云精曰絺麤曰綌說

文云絺細葛也鄭注見史記集解以海物為海魚者爾

雅岱岳生魚鹽周禮職方兗州其山岱**賦**絲枲鉛松怪

鎮曰岱山其利蒲魚故據以為說也

石**注**賦一作剛**疏**說文賦作石云水小流也古文作

作剛剛即谷也蓋徐本作賦釋文引徐本作賦谷言賦

之受霽處曰剛剛吮也吮得山之肥潤也泉者釋草云

麻也馬氏注喪服傳云麻之有黃者鉛者說文云青

金也怪石顏師古注漢書云石之次玉美好者也

菜

夷作牧**注**史遷云為牧**疏**地理志東萊黃縣有萊山春

東萊黃縣是春秋左氏定十年傳齊使萊人以兵劫魯

侯孔丘曰裔夷之俘亂之注云萊人齊所滅萊夷也云

東萊黃縣是者案黃縣今屬山東萊州府作牧者當以

鳥獸為貢周禮太宰職以九職任萬民四曰藪牧養蕃

鳥獸據徐州淮夷玼珠暨魚鄭注云

獻珠與魚知此亦當貢其所牧也

厥作會**疏**厥者爾雅釋木云檟桑山桑注云似桑材中

作弓及車轅漢書注師古云食檟之蠶絲可

檟者爾雅釋木云檟桑山桑注云似桑材中

作弓及車轅漢書注師古云食檟之蠶絲可

檟者爾雅釋木云檟桑山桑注云似桑材中

作弓及車轅漢書注師古云食檟之蠶絲可

檟者爾雅釋木云檟桑山桑注云似桑材中

作弓及車轅漢書注師古云食檟之蠶絲可

以絃琴瑟史公作會者
與地理志同假音字
浮于汶達于濟注鄭康成曰地

理志汶水出泰山萊蕪原山西南入濟濟一作沛注鄭

見史記集解引地理志者漢志泰山萊蕪原山禹貢汶

水出西南入沛汶水桑欽所言萊蕪今山東縣云西南

入濟者水經汶水出泰山萊蕪縣原山又云汶水出泰

山萊蕪縣原山過壽張縣北又西南至安民亭入于濟

案安民亭在今山東東平州

海岱及淮惟徐州注鄭康

成曰徐州界又南至淮水疏釋地云濟東曰徐州書疏

引李巡云淮海間其氣寬

舒稟性安徐故曰徐徐舒也釋名云徐州徐舒也土氣

舒緩也釋文引太康地記以為取徐丘為名周合其地

於青州呂氏春秋有始覽云泗上為徐州魯也鄭注見

公羊莊十年傳云南至淮水不言海岱者蒙上青州之

注徐州直青州

之南故云又南注淮沂其乂注史遷又作治鄭康成曰淮

沂二水名地理志沂水出今太山蓋縣疏史公又為治

也又省文鄭注見周禮職方氏疏水經注引鄭注云出

沂山引地理志者漢志泰山蓋沂水南至下邳入泗過

郡五行六百里今沂山及蓋故城俱在山東沂水

縣西北過郡五當為四泰山成陽琅邪東海也蒙羽

書疏第三上

其藝注鄭康成曰蒙羽二山名藝一作藝疏地里志泰

貢蒙山在西南東海祝其禹貢羽山在南縣所殛案蒙

陰今山東縣屬沂州府故城在新泰縣東南祝其今江

南海州藝者廣雅釋詁云治也偽傳云種藝非也

漢地理志作藝此加云俗字鄭注見史記集解

大野

既豬注史遷豬作都鄭康成曰大野在山陽鉅野北名

鉅野澤野一作埜疏地理志山陽鉅野大野澤在北水

經禹貢山水澤地所在云在東北

野作埜見漢地理志史公豬作都者鄭注檀弓云豬都

也南方謂都為豬周禮稻人以豬畜水鄭注見史記集

解

解

解

解

解

解

解

解

解

解鉅野今山東縣屬曹州府 **東原底平** 注 鄭康成曰東原地名今東

平郡即東原 注 鄭注見史記集解云東平郡即東原者

郡即尚書之東原也釋地云廣平曰原說文云遼廣平

之野人所登史記正義云徐州在東故曰東原水已去

致平復言 **厥土赤埴墳** 注 鄭康成埴作戡曰戡讀曰熾

可耕種也 **熾赤也** 注 埴者史記集解徐廣云黏土也考工記注同

云熾赤也見李善注蜀都賦廣韻戡作戡云赤土也加

土俗字釋言云熾盛也說文熾盛也古文作戡火盛色

赤故說 **草木漸包** 注 馬融曰漸包相包裹也漸一作蘄

為赤也 **包一作苞** 注 漸者釋文云本作蘄說文蘄草相蘄苞也

苞豐也馬注見釋文云相包裹者文選蜀都賦云柯葉

漸苞劉淵林注云漸苞相苞裹而同長也玉篇云蘄草

相蘄包裹也疑用說文今說 **厥田惟上中厥賦中中厥**

文蘄包也包下當脫裹字 **貢惟土五色** 注 鄭康成曰土五色者所以為大社之封

疏 鄭注見史記集解云所以為大社之封者周書作雒

解云諸受命于周乃建大社于國中其壘東靑土南

赤土西白土北驪土中央豐以黃土將建諸侯壘取其

方一面之土以為土封又見韓詩外傳云天子社廣五

丈又云將封諸侯各取方土直以白茅以為社釋名云

徐州貢土五色靑黃赤白黑也史記正義引太康地記

云城陽姑幕有五色土封諸侯錫之茅土用為社此土

即禹貢徐州土也今屬密州莒縣也案姑幕今山東莒

州 **羽畎夏翟** 注 鄭康成曰羽山之谷貢夏翟之羽畎一

書疏第三上

作畎翟一作狄 注 夏翟者周禮天官有夏采注云夏采

染人秋染夏注云染夏者染五色謂之夏者其色以夏

狄為飾禹貢曰羽畎夏狄是其總名其類有六曰翟曰

搖曰鬲曰笛曰希曰蹲其毛羽五色皆備成章染者擬以爲深淺之度是以放而取名焉按其注見爾雅釋鳥文字小異賦翟染人注引作睇狄詩衛風右手秉翟韓詩作狄地理志引此亦作狄鄭注見詩節南山疏及周禮天澤陽孤桐注鄭康成曰地理志嶧山在下邳今下官疏

邳西葛嶧山也疏鄭注見史記集解及大平御覽引地理志者漢志東海下邳葛嶧山在西

古文以爲嶧陽班氏以嶧陽爲山名與鄭異也說文嶧葛嶧山在東海下邳引此文不在兗州鄒縣南二十二里引鄒山記今猶多桐樹此是鄒縣嶧山在兗州非邳州之葛嶧山也案下邳今江南邳州地孤桐特生者周禮大司樂云孤竹之管注云孤竹竹特生者是也

泗濱浮磬注鄭康成曰泗水出濟陰乘氏也濱一作瀕

疏鄭注見史記集解云泗水出濟陰乘氏者地理志濟陰乘氏泗水東至睢陵入淮過郡六行一千一百一

書疏第三上

十里水經注泗水東南過呂縣南水上有石梁故曰呂梁晉太康地記曰水出磬石書所謂泗濱浮磬也史記正義引括地志云泗水至彭城呂梁出石磬按乘氏今山東鉅野縣地泗水至此分爲二一入菏水一入淮其源實出泗水縣泉林鄭據分流處言之也過郡六者濟陰山陽沛楚東海臨淮也呂梁洪今在江南徐州東南也濱作瀕見地理志

卽說文類字異文 淮夷蠙珠暨魚注史遷暨作泉馬融曰淮夷二水出蠙珠與魚鄭康成曰蠙珠珠名淮夷

淮水之上夷民獻此蠙珠與美魚也蠙一作玼疏淮夷

云東國在淮浦而夷行也蠙說文作玼云珠也宋宏云淮水中出玼珠玼珠之有聲史記索隱云蠙一作玼地理志顏注同大戴禮保傳篇云玼珠以納其間盧氏注云玼亦作蠙書釋文玼引韋昭薄迷反蚌也段氏玉裁云說文玼珠之有聲當作蚌之有聲者脫蚌字引山海經鯨鮓之魚音如磬石之聲是生珠玉以証之史公暨

作鼠者地理志亦作鼠說文云鼠與也詩泮水疏引此
又作洎皆古文也周禮籩人朝事之籩有鮑魚鱸注云
鮑者於榻室中糗乾之出於江淮也鱸者析乾之出東
海王者備物近者腥之遠者乾之因其宜也馬注見釋
文云二水未詳鄭注見史記集解及書疏云淮水上夷
民者費誓云淮夷徐戎則徐州實有夷民在淮水之上
與詩傳異也云美魚者禮器云厥筐元織縞注鄭康成
三牲魚腊四海九州之美味也

曰織細也祭服之材尙細注元者詩傳云黑而有赤也
縞者廣雅釋器云練也說

文云練凍繒也然則縞是凍繒卽凍帛也司馬彪注子
虛賦云縞細繒猶鄭氏云織細也鄭注見史記集解云
織細者說文訓也云祭服之材者周禮齋服有元端又
有素端是祭服有元縞也鄭注問傳云黑經白緯曰織
不注此者禫之變注浮于淮泗達于河注史遷達作通河
服非祭服之材也

一作荷說文云荷水在山陽湖陸南禹貢浮于淮泗通
達于荷地里志山陽湖陵禹貢浮于淮泗通

書疏第三上

子

于荷水在南注應邵曰尙書荷水一名湖水經濟水又
東至乘氏縣西分爲二其一水東南流注云南爲荷水
北爲濟瀆經又云其一水東南流者過乘氏縣南注北
荷水分濟于定陶東北東南流右合黃溝支流又東北
于乘氏縣西而北注荷水水經又云濟水又東過湖陸
縣南東入於泗水注云澤水所鍾也尙書曰浮于淮泗
達于荷是也又水經泗水南過方與縣東南荷水從西來
注之又屈東南流過湖陸縣南又云泗水東南過下邳
縣西又東南入淮注云泗水又東逕角城北而東南流
注於淮安乘氏縣今山東荷澤縣湖陸縣今山東魚臺
縣角城故城在今江南清河縣西然則徐州之貢浮淮
入泗故道在今清河縣達于荷故道在今魚臺縣也荷
字今誤作河史記夏本紀亦
誤作河應從說文等書更正

禹貢第三上終

賜進士及第授通奉大夫山東督糧道加三級孫星衍撰

淮海惟揚州注鄭康成曰揚州界自淮而至海以東也

疏釋地云江南曰揚州公羊疏引李巡云江南其氣慘勁厥性輕揚故曰揚州又引孫氏曰自江南至海也

釋名云揚州州界多水水波揚也釋文引太康地記云以揚州漸太陽位天氣奮揚履正含文明故取焉焉呂氏春秋有始覽云東南為揚州越也鄭注見公羊莊十年傳疏云自淮而南至海以東者此經下云東漸于海也偽傳云南距海則遠至閩廣非經義

彭蠡既豬陽

鳥攸居注史遷豬作都攸作所鄭康成曰彭蠡澤在豫

書疏第三中

章彭澤西南方謂都為豬陽鳥鴻雁之屬隨陽氣南北

攸一作適疏史公豬為都者義見鄭注攸為所者爾雅匏有苦葉疏云彭蠡澤在豫章彭澤西者地理志又見詩章彭澤禹貢彭蠡澤在今江西都昌縣北澤即鄱陽湖在西北案彭澤故城在今江西都昌縣北澤即鄱陽湖所居引此文王充言衆鳥故鄭以鴻雁之屬統之云隨陽氣南北者淮南時則訓仲秋之月候雁來注云時候雁從北漢中來過周雒南至彭蠡也又季秋之月候雁來注云是月時候之雁從北漢中來南之彭蠡蓋以為八月者其父母也是月來者蓋其子也羽翼稚弱故在後耳又見高誘注呂氏春秋則漢時有此說鄭用之也攸作適見地理志

三江既入注鄭康成曰三江左合漢為北江

會彭蠡為南江岷江居其中則為中江故書稱東為中

江者明岷江至彭蠡與南北合始得稱中也三江分于

彭蠡爲三孔東入海

疏

鄭注見初學記地部及書疏云左合漢爲北江者水經江水東

北至江夏沙羨縣西北沔水從北來注之注云江水又東逕魯山南古翼際山也地說曰漢與江合於衡北翼際山旁者也地理志曰夏水過郡入江故曰江夏也又水經云沔水又南至江夏沙羨縣北南入於江沔水與江合流又東過彭蠡澤又東北出居巢縣南又東過牛渚縣南又東至石城縣分爲二其一東北流其一又過毗陵縣北爲北江注云丹徒縣北二百步有故城本毗陵郡治也城北有揚州刺史劉繇墓淪於江卽北江也地理志云會稽毗陵江在北東入海案今江南丹徒鎮卽是也云會彭蠡爲南江者地理志出稽吳縣南江在東南東入海水經注云江水自石城東出逕吳縣南爲南江東逕石城縣北又東與貴長池水合又東逕宣城之臨城縣南又東合涇水南江又東與桐水合又東逕安吳縣江之北卽宛陵縣界也南江又東逕寧國縣南又東北爲長瀆歷湖口南江東注于具區謂之五湖口尙書謂之震澤爾雅謂之具區地理志丹陽石城分江水

書疏第三中

二

首受江東至餘姚入海過郡二行千二百里過郡二者丹陽會稽也石城今安徽池州府西境餘姚今浙江縣吳國今江南吳縣此鄭所云南江也云岷江居其中則爲中江者地理志丹陽蕪湖中江出西南東至陽羨入海揚州川陽羨今江南宜興縣建康志云中江舊逕溧陽縣今永陽江卽其遺跡景福三年作五堰是復中江置堰江流亦旣狹矣其後東壩旣成中江遂不復東惟永陽江水入荆溪此鄭所云中江今不復至陽羨也

震澤底定

注

史遷底作致震一作振

疏

震澤亦名具區地理志會稽吳

縣具區澤在西古文以爲震澤水經禹貢山水澤地所在云在吳縣南五十里鄭注周禮職方氏云具區在吳南則此注亦同也震

篠簜旣敷

注

史遷篠簜作竹箭敷

作布鄭康成曰篠箭簞大竹也篠一作筱

疏

史公篠簞

文異字也說文摺引書曰竹箭如摺言夏書竹箭簞箭如摺也周禮職方氏揚州其利金錫竹箭注故書箭爲

晉杜子春云晉當爲箭書亦或爲箭是楛與箭聲相近
敷爲布者經典多通用鄭注見儀禮大射疏及竹譜注
云篠箭者爾雅釋草云篠竹箭說文作筱云箭屬小竹
也引此文云篠大竹者爾雅釋草文書疏引孫炎云竹
闊節者曰篠又引李巡云竹節相去一丈曰篠厥草惟天注馬融曰天長也疏

馬注見釋文云天長者詩桃夭傳云天夭其少壯
也鄭注大學云天夭美盛貌壯盛與長義相近 厥木

惟喬疏喬者詩傳云南方疏厥土惟塗泥注馬融曰漸沍

也疏塗當爲涂俗加土論語陽貨遇諸塗釋文塗本作
塗考工記引爾雅堂涂謂之陳今爾雅作塗馬注

見史記集解云漸沍者詩汾沮沍傳云其漸沍者說文
漸沍溼也漢書東方朔傳云塗者漸沍徑也馬義所本

厥田惟下下厥賦下上錯疏江氏聲云上錯謂襍出
賦也九等之賦下上疏鄭康成曰金三

爲第七中下爲第六疏書疏第三中三

品者銅三色也疏鄭注見書疏及詩泮水疏云銅三色
者詩疏云梁州貢鏐鐵銀鏤釋器云

黃金之美者謂之鏐白金謂之銀貢金銀者既以鏐銀
爲名則知金三品者其中不得有金銀也又檢禹貢之

文厥貢鏐鐵錫鉛銀獨無銅故知金卽銅也春秋左氏
僖十八年傳曰鄭伯始朝于楚楚子賜之金旣而悔之

與之盟曰無以鑄兵故以鑄三鐘考工記云六齊六分
其金而錫居一謂之鐘鼎之齊是謂銅爲金也三色者

蓋青白赤也案楚賜鄭伯金是荊州之銅揚州亦出銅
史記貨殖傳吳有章山之銅是也禮器疏云荆揚二州

貢金三品者禹貢文鄭注以爲金銀銅三品者三
色也與書及詩疏所引鄭注不同疑禮器疏誤 瑤琨

篠簞注史遷篠簞作竹箭琨一作瓊疏瑤者詩傳云美
玉說文云瑤玉

之美者琨作瓊者釋文云馬本作瓊說文琨石之美者
虞書曰揚州貢瑤琨或作瓊地理志亦作瓊史公篠簞

作竹箭者與上篠簞旣疏齒革羽毛四
布同非詁字蓋今文也 齒革羽毛惟木疏者周禮地官

司徒角人掌以時徵齒角凡骨物於山澤之農以當邦賦之政令羽人掌以時徵羽翮之政于山澤之農以當邦賦之政令天官冢宰掌皮掌秋斂皮冬斂革春獻之是也史記夏本紀及漢志全引此經俱無惟木二字江氏聲曰 島夷卉服 **注** 鄭康成曰此州下濕故衣草服貢衍文

其服者以給天子之官島一作鳥 **疏** 島夷漢志作鳥夷顏師古注云東南

之夷善搏鳥者後漢書度尚傳云深林遠藪推髻鳥語之人置於縣下注云鳥語謂語聲似鳥也書曰鳥夷卉服則唐時尚作鳥夷鄭注見書疏云下濕衣草服者說文衰草雨衣秦謂之革越語云譬如衰笠時雨既至必求之云貢其服給天子之官者郊特牲云黃衣黃冠而祭息田夫也野夫黃冠黃冠草服也大羅氏天子之掌鳥獸者也諸侯貢屬焉草笠而至尊野服 **厥筐織貝** **注** 也是卉服其給官用也爾雅釋草云卉草

鄭康成曰貝錦名也詩云成是貝錦凡織者先染其絲

書疏第三中

織之卽成矣禮記曰士不衣織 **疏** 鄭注見史記集解及詩疏以貝爲貝錦者

爲實筐之物且與織連文知非水貝詩巷伯傳云貝錦文也箋云錦文者文如餘泉餘紙之貝文也云士不衣織者 **厥包橘柚** **疏** 包者詩木瓜瓜箋云以果實相遺者必苞苴之引此文橘者說文云果出江南又云柚條也似橙而酢夏書曰厥包橘柚釋木云柚條列子湯問篇云吳楚之國有大木焉其名爲櫟碧樹而冬生實丹而味酸食其皮汁已憤厥之疾櫟與柚同 **錫貢** **注** 鄭康成曰此州

有錫則貢之或時乏則不貢錫所以柔金也 **疏** 鄭注見史記集

解及書疏云有錫則貢之或時乏則不貢者江氏聲云此既是貢而不于厥筐之上言之退之在下別出貢文故知非常貢也云錫所以柔金者呂氏春秋物類篇云金柔錫柔合而柔則爲剛考工記云攻金之工掌執金錫之齊又云金有六齊或錫居一或金錫半是也 沿于江海達于淮泗 **注** 史遷

沿作均馬融作均日均平一作松鄭康成曰松讀曰沿

沿順水行也

疏

沿釋文云鄭本作松蓋古文又云馬本

均經云沿于江海達于淮泗者水經淮水東北至下邳淮陰縣西泗水從西北來注之注云淮泗之會即角城也經又云淮水東至廣陵淮浦縣入于海案角城故城在今江南清河縣西南淮浦縣在今沐陽縣東南蓋其故道由江岸海濱入淮達泗禹時尚未溝通江淮也又地理志丹陽郡陵陽桑欽言淮水出東南入大江此則今五溪河逕安徽青陽縣西北南入江者疑非此淮水史公沿作均者均蓋均字一切經音義三引三倉云循古文作均則謂循于江海也馬注見釋文云均平者未詳顏師古注漢志云均平也通淮泗而入江海故云平鄭注見史記集解字誤為均據釋文當為松云松讀為沿者以松字古文似沿讀其字為沿云順水行者吳語云率師沿海派淮注云沿順也論語先進篇云浴乎沂唐人讀為沿蓋言傍水陸行不謂順流而下故經文變

書疏第三中

五

言沿不言浮自暴秦元季始有荆及衡陽惟荆州注鄭海運之事古昔盛時所必無也

康成曰荆州界自荆山南至衡山之南

疏

釋地云漢南

引李巡云荆州其氣燥剛稟性疆梁故曰荆荆疆也釋名云荆州取名於荆山也必取荆為名者荆警也南蠻數為寇逆其民有道後服無道先疆常警備之也呂氏春秋有始覽云南方為荆州楚也荆即荆山地理志南郡臨沮禹貢南條荆山在東北案臨沮今湖北南漳縣山在縣西鄭注見公羊莊十年傳疏說文云山南曰陽經云衡陽故云江漢朝宗于海注鄭康成曰江水漢水在衡山之南也

其流遄疾又合為一其赴海也猶諸侯之同心尊天子

而朝事之荆楚之域國有道則後服國無道則先疆故

記其水之義以著人臣之禮

疏

朝說文作淖云水朝宗于海御覽引說文淖朝

也疑古文有作淖者說文云濼小水入大水也疑宗之本字論衡書虛篇云夫地之有百川也猶人之有血脉也血脉流行汎揚動靜自有節度百川亦然其朝夕往來猶人之呼吸出入也經曰江漢朝宗于海其發海之時儼馳而已入三江之中殆曰江漢狹水激沸起故騰爲濤虞翻注易習坎有孚曰水行往來朝宗于海不失其時如月行天則是謂朝宗爲潮水此蓋今文家說鄭注見書疏云江水漢水合爲一者謂沔左合漢水分三江俱入海也云猶諸侯之同心尊天子者詩沔水云沔彼流水朝宗于海傳云沔水流滿也水猶有所朝宗箋云水流而入海小就大也喻諸侯朝天子亦猶是也諸侯春見天子曰朝夏見曰宗毛鄭義同也云荆楚之域國有道則後服云云者呂氏春秋召類篇云堯戰於丹水之浦以服南蠻淮南子兵略訓云舜伐有苗修務訓云舜南征三苗道死蒼梧韓詩外傳云當舜之時有苗不服其不服者衡山在南岐山在北左洞庭之陂右彭澤之水由此險也以其不服禹請伐之故鄭以說此經也公羊僖四年傳云楚有王者則後服無王者則先叛與

書疏第三中

六

鄭義同蓋

九江孔殷

注史遷孔殷作甚中鄭康成曰地

理志九江在尋陽南皆東合爲大江殷猶多也九江從

山谿所出其孔衆多言治之難也

疏九江者地理志廬

江在南皆東合爲大江豫章郡鄱陽縣鄱水西入湖漢餘汗縣餘水在北至鄒陽入湖漢艾縣修水東北至彭澤入湖漢行六百六十里贛縣豫章水出西南北入大江南城縣盱水西北至南昌入湖漢建武縣蜀水東至南昌入湖漢宜春縣南水東至新淦入湖漢雲都縣湖漢水東至彭澤入江行千九百八十里南壁縣彭水東入湖漢史記河渠書云余南登廬山觀禹疏九江書釋文引地記云九江劉歆以爲湖漢九水入彭澤也凡此八水并湖漢水爲九俱入江史公說孔爲甚殷爲中者俱釋言文言九江甚中者九江之水在豫章郡非荆川水而水經云沔至江夏沙羨縣北南入于江沔水與江合流又東過彭蠡澤是九江入此澤而合大江故云甚

中鄭注見書疏引地理志見前文云殷猶多者詩傳云殷衆也衆多同義云九江從山谿所出其孔甚多者卽謂地理志入湖漢諸水史記索隱又沱潛旣道注史遷引尋陽記烏江等九江非古義也

潛作涔旣作已馬融曰沱湖也其中泉出而不流者謂之潛鄭康成曰爾雅釋水云水自江出爲沱漢別爲涔

今南郡枝江縣有沱水其尾入江耳首不于江出也華

容有夏水首出江尾入沔蓋此所謂沱也潛則未聞象

類潛一作潛疏史公潛爲涔者地理志漢中安陽鬻谷

鄭縣東南旱山北至安陽縣南入于沔注云卽黃水也

案卽今陝西西鄉縣洋河鄭氏以其入漢非出于漢故

云未聞象類又見下疏馬注見釋文鄭注見吳志注及

書疏云枝江有沱水者地理志南郡枝江江沱出西南

書疏第三中

東入江水經禹貢山水澤地所在云荊州沱水在南郡枝江縣今在湖北枝江縣云首不於江出謂與釋水義不合也云華容有夏水首出江尾入沔者地理志南郡華容夏水首受江東入沔行五百里卽今湖北沔陽州南長夏水也鄭又云蓋此所謂沱者無實証以其出江入沔疑爲沱耳云潛則未聞象類者荊州境內漢水爲潛無首出漢之水以應之也

雲土夢作注史遷作雲夢土爲治夢

一作曹疏雲夢作雲土夢者楚語王孫圉曰有數曰雲

連徒洲注云楚有雲夢徒其名也案徒土音

相近地理志南郡華容雲夢澤在南荊州蘄案華容故

城在今湖北荊州東澤卽洞庭湖在今岳州府西南王逸注楚詞云夢澤中也楚中名澤中謂夢中是雲爲澤名夢非二澤也史公雲土夢作雲夢土者亦見地理志作曰爲又曰治者見前疏王氏引之云作者詩傳云始也古字爲乍言乍治較舊說爲長夢一作曹者史記索

隱父厥土惟塗泥厥田惟下中厥賦上下厥貢羽毛齒革

注史遷毛作旄惟金三品**杔**幹栝柏**注**馬融曰栝白栝

也鄭康成曰櫛幹栝柏四木名幹栝幹栝柏葉松身曰栝

疏杔者說文云木也夏書曰杔幹栝栝栝或作櫛鄭注考

工記引此亦作櫛櫛者郭璞注中山經云櫛木似櫛

樹材中車轅吳人呼櫛音輶車或曰輶車郭注爾雅引

俗語曰櫛櫛栝漆相似如一圖經本草云栝木櫛木形

幹大抵相類但栝木實而葉香可噉櫛木疏而氣臭北

人呼櫛為山栝是本草以櫛為栝也幹字當依說文引

經作幹釋文本作幹馬注見釋文鄭注見考工記疏及

詩竹竿疏云幹栝幹者詩皇矣云其屨其栝考工記云

荆之幹材之美者弓人云取幹之道七栝為上柏葉

松身曰栝者釋木云檜柏葉松身栝者釋木云掬說文

字作鞠也**礪砥斨丹****注**鄭康成曰礪磨刀石也精者曰砥礪

一作厲**疏**礪俗字地理志作厲說文厲旱石也或作礪

旱石當為悍石韋昭注語悍強也史記集解

書疏第三中八

引應邵注云礪砥石也說文云底柔石也或作砥斨石

可以為矢斨丹巴越之赤石也鄭注見書疏云磨刀石

精者曰砥者史記集解引應邵注云厲砥石也郭璞注

西山經云砥礪磨石也精為砥粗為礪也與鄭義同厲

有粗義者詩傳云厲**惟箇籛楛三邦底貢厥名****注**史遷

惡也言相惡之石

作三國致貢其名馬融曰言箇籛楛三國所致貢其名

善也楛木名可以為箭鄭康成曰箇籛聆風也楛木類

竹有二名或大小異也箇籛是兩種竹也肅慎氏貢楛

矢卽楛中矢幹三物皆出雲夢之澤當時驗之猶然經

言三邦底貢知近澤之國致此貢也籛一作籛楛一作

箇籛者說文云箇籛籛也古文作籛引此文又枯

枯**疏**籛籛者說文云箇籛籛也古文作籛引此文又枯

夏書曰唯箇籛枯木名也籛者呂氏春秋本味篇

籛籛者說文云箇籛籛也古文作籛引此文又枯

夏書曰唯箇籛枯木名也籛者呂氏春秋本味篇

籛籛者說文云箇籛籛也古文作籛引此文又枯

夏書曰唯箇籛枯木名也籛者呂氏春秋本味篇

籛籛者說文云箇籛籛也古文作籛引此文又枯

夏書曰唯箇籛枯木名也籛者呂氏春秋本味篇

籛籛者說文云箇籛籛也古文作籛引此文又枯

夏書曰唯箇籛枯木名也籛者呂氏春秋本味篇

籛籛者說文云箇籛籛也古文作籛引此文又枯

夏書曰唯箇籛枯木名也籛者呂氏春秋本味篇

籛籛者說文云箇籛籛也古文作籛引此文又枯

云越駱之箭注云箭竹箭也中山經暴山其木多箛箭
注云箛亦箛類中箭箛者廣雅釋草云箭也是與箛三
者皆箭材也史公作三國致貢其名者以厥名上屬爲
句與鄭說異也集解徐廣曰一作箭足杆箭足以訓箛
箛杆當从于杆音近枯也馬注見史記集解及釋文鄭
注見史記集解又見考工記疏及書疏云聆風者史記
集解聆从竹俗字茲依書疏馬融長笛賦有聆風是竹
別名云肅慎氏貢箛矢者考工記疏作周之始肅慎氏
貢箛矢石磐魯語云武王克商通道于九夷八蠻使各
以其方賄來貢使無忘職業于是肅慎氏貢箛矢石磐
其長尺有包匭菁茅注鄭康成曰厥名包匭匭纏結也
厥是也

菁茅茅有毛刺者給宗廟縮酒重之故包裹又纏結也

匭書疏云鄭元以匭名下屬與史公馬氏義異也鄭注
見史記集解云匭纏結者說文簋古文作匭黍稷方

器也江氏聲云鄭讀匭爲糾匭從九得聲與糾音近劉
達注吳都賦云匭猶結也引此文云生桂陽可以縮酒

書疏第三中

九

給宗廟異物也重之故既包裹而又纏結之一曰匭柙
也蓋用鄭義而云一曰柙也又泥匭字之詰云菁茅茅
有毛刺者管子輕重丁篇云江淮之間一荊三脊名曰
菁茅云給宗廟縮酒者見春秋左氏僖四年傳周禮甸
師祭祀共蕭茅注鄭大夫云蕭字或爲茜茜讀爲縮束
茅立之祭前沃酒其上酒滲下去若神飲之故謂之縮
縮浚也杜子春讀爲蕭蕭香蒿也元謂茅以共祭之苴
亦以縮酒苴以藉祭縮酒沛酒也禮齊縮酌說文禮祭
束茅加于禩圭而灌鬯酒是爲茜象神飲之也一曰茜
楛上塞也先鄭與許說宗廟縮酒雖異皆用茅也劉逵
注吳都賦云茅生桂陽史記正義引括地志云辰州盧
溪縣西南三百五十里有包茅山武陽記云山際出苞
茅有刺而三脊因名苞茅山僞傳以包爲包橘柚菁爲
菁菹與管子名菁茅左傳稱包茅之義不合失之矣

厥篚元纁璣組注馬融曰組文也疏元以爲衣纁以爲

周禮染人夏纁元注云元纁者天地之色以爲祭服詩
傳云元黑而有赤色也說文纁淺絳也廣雅釋器云纁

赤也鄭注士冠禮云纁裳淺絳裳此注雖不具鄭義當與注禮同也璣組元纁同爲篋實當非珠璣與組二物証以徐州墳珠雍州琅玕皆不入篋疑組文似璣故曰璣組猶織貝之爲錦文也少儀車不雕幾注云幾附纏爲沂鄂也璣聲近幾璣或璩字周書王會云王元繚璧綦十二孔冕注云元繚謂以黑組紐之綦玉名有十二也說文組綬屬其小者以爲冕纓應邵注漢書本紀云組者今綬紛條是也馬注見釋文云組文者當云璣組文也今本

脫字耳 九江納錫大龜注史遷納錫爲入賜馬融曰

納入也注史公納作入者納入經典通字錫者釋詁云賜也大龜者元龜白虎通著龜篇引禮三正記曰天子龜長一尺二寸諸侯一尺大夫八寸士六寸馬注見釋文

浮于江沱潛漢逾于洛至于南河注史遷潛漢作涪于漢潛一作澗逾一作

踰注經以浮于江沱潛漢爲九江納龜之道則此江沱潛漢當在九江已東故鄭注不取蜀郡江沱及巴

書疏第三中

郡潛水之說欲以夏水爲江沱而云未聞潛水也經云逾于洛者江漢與洛不通流故云逾詩傳云踰越也逾與踰同史公作涪于漢者讀浮于江沱涪爲句又云于漢釋文云本或作潛于漢非是唐人不善讀史記文反非之也段氏玉裁云無逸篇云無淫于觀于逸于游于田以淫領四于字此以浮領二于字句法正同陸氏誤絕其句故非之南河者顏師古注地理志云在冀州南潛作澗見地理志

荆河惟豫州注鄭康成曰豫州界自荆山而北至于河注釋地云河南曰

巡云河南其氣著密厥性安舒故曰豫豫舒也公羊疏引孫氏云自東河至西河之南曰豫州釋文引春秋元

命包云豫之言字也言陽氣分布各得其處故其氣平靜多序也呂氏春秋有始覽云河漢之間爲豫州周也

注云河在北漢在南故曰之間鄭注見詩王風譜及公羊莊十年疏云自荆山而北至于河者荆山注在經文

至于荆山下云北至于河者卽高誘所云河在北也伊洛澠澗既入于河注洛一

作雒

疏地理志云宏農郡盧氏伊水出東北入雒行四百五十里上雒禹貢雒水出冢領山東北至鞏

入河過郡三行千七百里豫州川河南郡穀城禹貢瀍水出鞏亭北東入雒宏農郡新安禹貢澗水在東南入

雒案瀍字當作塵淮南本經訓云導塵澗不從水水經河水過鞏縣北洛水從縣西北注之伊水東北至洛陽

縣南北入于洛瀍水東過偃師縣又東入於洛澗水出新安縣南白石山東南入于洛鞏縣洛陽偃師新安皆

今河南縣蓋伊澗瀍會洛入河也伊出盧氏今河南縣洛出上洛今陝西南商州過郡二者宏農河南也瀍出穀

成在今河南洛陽縣西 **滎波既豬** **注**史遷波作播一作其洛一作雒見地理志 **滎波既豬** **注**史遷波作播一作

潘豬一作都馬融曰滎播澤名鄭康成曰沆水溢出河為澤也今塞為平地滎陽民猶謂其處為滎播在其縣

東春秋魯閔公二年衛侯及狄人戰于滎澤此其地也

書疏第三中

十一

滎

史公波作播者書疏云馬鄭皆作滎播史記索隱曰今文是今文與馬鄭書及史記合也說文云潘水名

在河南滎陽亦卽此水豬作都者周禮職方氏其浸波嗟注波讀為播禹貢曰滎播既都水經云濟水南當鞏

縣北南入於河與河合流又東過成臯縣北又東過滎陽縣北大徑入河與河水鬪南洑出為滎注又東濟水

曰濟自大徑入河與河水所都也京相璠曰滎澤在滎陽又東逕滎澤北故滎水所都也京相璠曰滎澤在滎陽

縣東南與濟隧合濟隧上承河水于卷縣北南去新鄭百里蓋滎播河濟往復徑通矣滎陽今為河南滎澤河

陰二縣地馬注見釋文云滎播澤名者水經注引闕駟說同又引呂忱曰播水在滎陽則滎播是一澤僞傳以

為滎澤波水已成退豬似二水名失之鄭注見詩竹竿疏云沆水溢出河為澤卽下入于河溢為滎是也云今

塞為平地者水經濟水注云出河之濟卽陰溝之上源也濟隧絕焉故世亦或謂其故道為十字溝自于岑造

八激隄於河陰水脉經斷故瀆難尋又南會于滎澤然水既斷民謂其處為滎澤春秋衛侯及翟人戰于滎澤

而屠懿公宏演報命納肝處也與鄭義合春秋左氏宣十二年傳楚潘黨逐晉魏錡及榮澤亦此地導荷

澤被孟豬注史遷導作道孟豬一作明都一作盟豬疏

地理志濟陰郡禹貢荷澤在定陶東梁國睢陽禹貢盟諸澤在東北水經禹貢山水澤地所在俱同水經濟水

注云尚書曰導荷澤被孟豬孟豬在睢陽縣之東北關駟十三州記曰不言入而言被者明不常入也水盛方

乃覆被矣史記正義引括地志云荷澤在曹州濟陰縣東北九十里定陶城東今名龍池亦名九卿陂案定陶

今山東縣屬曹州府睢陽今河南商邱縣自河決徙流孟諸故迹不可考矣史公導作道者周語為川者決之

使導注云導通也法言聞道篇云道者通也是導與道俱為通也孟豬作明諸地經典豬都通字周禮職方

作望諸釋地云宋有孟諸地理志作盟豬孟明盟望豬都諸俱聲相近古假借用之厥土惟壤下

土墳墟注馬融曰豫州地有三等下者墳墟也豫州地

書疏第三中

土

青鄭康成曰墟疏也疏馬注見史記集解及太平御覽

禮器或素或青云變白黑言素青者青即黑也鄭注亂或以青為黑黑為黃民言從之至今語猶存也則言

土青者猶言墟也鄭注見禮書卅四卷云墟疏者說文墟黑剛土也釋名云土黑曰墟墟然解散也鄭注周禮

草人云墟墟黏疏者以黏訓墟疏訓墟也疏者薄洫志云地形下而土疏惡詩箋云疏麤也

中上厥賦錯上中厥貢漆枲絺紵厥篚織纈注史遷枲

作絲纈作絮疏紵者說文云棘屬細者為紵粗者為紵

文纈縣也絮之細者曰纈故此云織纈也史公枲作絲者蓋今文異字纈為絮者見說文云絮敝縣也似與纈

微異史公取以釋疏錫貢磬錯疏磬玉磬錯為厝借字說

云他山之石可以為錯傳云錯石也可以琢玉顏師古注地理志云亦待錫命而貢案玉磬惟天子得用之郊

特牲云擊玉磬諸侯之僭禮也詩那箋云玉磬尊故異言之則治磬之石必待錫命而貢示諸侯不敢有治玉器也

浮于洛達于河

疏唐石經作浮于洛河

華陽黑水惟梁州

注

鄭康成曰梁州界自華山之南至于黑水也

疏

釋地無梁州呂

氏春秋有始覽九州亦無梁蓋殷周雍州兼有梁州之地與夏時異也經云黑水者水經沔水東過南鄭縣南注云漢水又東黑水注之水出北山南流入漢庾仲雍曰黑水去高橋三十里諸葛亮陵云朝發南鄭暮宿黑水西五十里卽是水也史記正義引括地志云黑水源出梁州城固縣西北太山以注華陽黑水蓋本古說案城固今陝西縣也鄭注見公羊十年傳疏云至于黑水者地理志益州郡滇池滇池澤在西北有黑水祠或以爲卽鄭氏所云黑水然疑其太遠夏時荒服之地禹迹不至也滇池今雲南晉寧州地

注

史遷岷作汶鄭康成曰地理志岷山在蜀郡湔氐道

書疏第三中

三

嶓冢山在漢陽西藝一作藝

疏

岷史公作汶漢志作嶓史記索隱云汶一作岷

又作岐岐卽汶俗字藝史記漢志皆作藝加云俗字藝者廣雅釋詁云治也或云種藝失之鄭注見史記集解引地理志者漢志蜀郡湔氐道禹貢嶓山在西徼外隴西郡西縣有禹貢嶓冢山水經禹貢山水澤地所在云嶓冢山在隴西氐道縣之南郡國志漢陽西有嶓冢山鄭說嶓冢山在漢陽西者據後漢時天水郡縣名也

沱潛既道

注

史遷潛作涿一作灄鄭康成曰二水亦謂

自江漢出者地理志在今蜀郡郫縣江沱及漢中安陽

皆有沱水潛水其尾入江漢耳首不於此出江原有郪

江首出江南至犍爲武陽又入江豈沱之類與潛蓋漢

西出嶓冢東南至巴郡江州入江行二千七百六十里

漢別爲潛其穴本小水積成澤流與漢合大禹自導漢

疏通卽爲西漢水也故書曰沱潛旣道沱潛者說文云

潛史記作涿漢志作灤水經沔水條言涿水注沔正作

涿水地理志安陽灤水又作灤鄭注見書疏及水經潛

水注云二水亦自江漢出者因荆州沱潛注引爾雅言

之云蜀郡郫縣江沱者地理志蜀郡郫縣禹貢江沱在

西東入大江水經禹貢山水澤地所在還入江案郫縣

蜀郡汶江縣西南其一在郫縣西南分江至瀘州復合者

之沱今名郫江自四川灌縣西南分江至瀘州復合者

自李水鑿離確穿江以後已變禹迹矣地理志蜀郡汶

江江沱在西南東入海水經江水注云江水逕汶江道

又有湔水入焉江水又東別爲沱開明之所鑿也渡江

有笮橋鄭所云江沱疑郫縣汶江二縣之江沱但汶江

縣江沱今無水或以爲四川保縣玉輪江也云漢中安

陽皆有沱水潛水者地理志漢中郡南鄭旱山池水所

出東北入漢安陽灤谷水出西南北入漢案南鄭今陝

書疏第三中

古

西縣屬漢中府後漢書注故城在今縣東北安陽今陝

西洋縣東北地太平寰宇記洋州真符縣本安陽地是

也云其尾入江漢者水經沔水東過南鄭縣南注云漢

水右合池水水出旱山俗謂之獠山注又水經沔水東

過魏興安陽縣南沔水出自旱山北注之是沱水潛水

尾俱入沔沔卽漢也入沔之處當在今陝西洋縣二水

皆出旱山首不從江出與爾雅不合故鄭云首不於此

出也云江原有郾江首出江云云者地理志江原郾水

首受江南至武陽入江太平寰宇記云郾江一名阜里

水自青城縣南流逕溫江縣入江原界今日南江也案

地理志犍爲郡有武陽縣故城在今四川眉州彭城縣

東十里鄭以其首受江疑爲沱也又云潛蓋漢西出蟠

家東南至巴郡江州入江者漢水卽漾水見下蟠冢道

漾疏地理志巴郡宕渠潛水西南入江水經云潛水出

巴郡宕渠縣注云潛水蓋漢水枝分潛出故受其稱今

爰有大穴潛水入焉通岡山下西南潛出謂之伏水或

以爲古之潛水引鄭氏此注劉逵注蜀都賦云禹貢梁

州云沱潛旣道有水從漢中沔陽縣南流至梓潼漢壽

縣入穴中通岡山下西南潛出今名漢水舊說云禹貢潛水也書疏引郭氏音義云有水從漢中沔陽縣南流至梓潼漢壽入大穴中通岡山下西南潛出一名沔水舊俗云卽禹貢潛也史記正義引括地志云潛水一名漢水源出利州縣谷縣東龍門山大石穴下元和郡縣志云縣谷縣潛水出東北龍門山書曰沔潛旣道是也案宕渠縣故城在今四川渠縣界渠江在縣東卽此水也然則鄭注所云潛卽漢西出嶓冢者是也

旅平

注鄭康成曰地理志蔡蒙在漢嘉縣

疏鄭注見史記集解引

地理志者漢志蜀郡青衣有禹貢蒙山鄭云在漢嘉者青衣應邵注漢志云順帝更名漢嘉也案青衣今四川雅州府名山縣地鄭以蔡蒙爲一山僞傳誤云今山疏云蔡山不知所在蓋本無此山也旅當讀如論語旅於泰山之旅漢書班固述贊曰大夫臚岱史記六國表曰位在藩臣而臚于郊祀故釋文引韋音盧也

底績

注馬融曰和夷地名也鄭康成曰和夷和上夷所

書疏第三中

五

居之地也和讀曰桓地志曰桓水出蜀郡蜀山西南行

羌中者也

疏馬注見史記集解鄭注見水經桓水注云和讀爲桓者如淳注漢書云陳留之俗言

桓聲如和是也引地志者漢地理志蜀郡禹貢桓水出蜀山西南行羌中入南海或云桓水卽大金河江入蕃

地南海

注史公

驪者詩傳云純黑曰驪馬注見釋文云小疏者蓋前釋豫州驪爲疏故此云小疏卽小麤也釋名云土青曰黎

似黎草

厥田惟下上厥賦下中三錯

注鄭康成曰三錯

者此州之地有當出下下之賦者少耳又有當出下上

中下者差復益少

疏鄭注見書疏江氏聲云經言三錯

中之下止有下下一等故知其上二等爲三錯僞傳乃謂賦第八等襍出第七第九則是襍出二等并正賦

爲三等鄭以他州言錯者皆是正賦之外別出一等此言三錯明是正賦之外別爲三等矣若并正賦爲三等則當言再錯不言三錯傳說非也云差復益少者正賦下中間有出下者但少耳又或有出下上者亦少差而上之又有出中下者復益少也書厥貢鏹鐵銀鏹

磬

馬融鑿作鏹鄭康成曰黃金之美者謂之鏹鏹剛

鐵可以刻鏹也

疏

釋文鏹一作鏹馬同釋器云黃金謂之鏹其美者謂之鏹注云鏹卽紫磨

金鐵者說文云黑金也銀者釋器云白金謂之銀鏹者說文云剛鐵可以刻鏹夏書曰梁州貢鏹者說文云石可以爲矢鏹夏書曰梁州貢鏹丹丹當爲磬也華陽國志云臺登縣山有磐石火燒成鉄剛似禹貢厥賦磬是熊罷狐狸疏熊者釋獸云虎醜說文云獸似豕山居也熊罷狐狸者釋獸云狸狐獬貍醜其足躡其跡云古文作𧑦狐狸獸也鬼所乘之狸伏獸似貍周禮司裘云說文云狐妖獸也

書疏第三中

六

王大射則其熊侯詩云熊罷是裘又云取彼狐狸爲公子裘

織皮西傾因桓是來

注

馬融曰治西傾山因桓水是來言無他道也鄭康成曰

織皮謂西戎之國也西傾雍州之山也雍戎二野之間

人有事於京師者道常由此州而來桓是隴阪名其道

盤桓旋曲而上故名曰桓是今其下民謂是阪阪名其道

也地理志西傾山在隴西臨洮來一作俵

疏

織皮者纒之屬釋言

云麓纒也釋文引李巡本麓作纒周書正西昆侖狗國等請令以丹青白旄纒纒龍角神龜爲獻說文纒西胡纒布也紕氏人纒也鄭注周禮巾車云樊與纒皆以五色纒飾之漢書高帝紀八年令賈人毋得衣錦繡綺縠紕紕纒屬禁賈人衣又飾樊纒是以貢之或以爲賤者之服非也經文是爲氏之假音字見下疏馬注見史記

集解云因桓水是來者地理志蜀郡桓水出蜀山西南行羌中入南海水經同注引經文及馬注云余按據書岷山西傾俱有桓水桓水出西傾山更無別流所導者惟斯水兩浮於潛漢而達江河故晉書地道記曰梁州南至桓水西抵黑水東限杆關今漢中巴郡汝山蜀郡漢嘉江陽朱提涪陵陰平廣漢新都梓潼犍為武都上庸魏興新城皆古梁州之地自桓水以南為夷書所謂和夷底績也然所可當者惟斯水與江耳桓水蓋以因之別名為兩川之通稱矣則酈道元與班氏馬氏以因桓為桓水來無他道之說同也鄭注見水經桓水注及史記集解酈氏既引其說又駁之云斯乃元之別致恐乖尚書因桓之義非浮潛入渭之文案鄭不從班氏說因桓者讀是為氏說文云氏巴蜀名山岸脅之旁箸欲落瞻者曰氏楊雄賦響若氏隕段氏玉裁讀鄭注是阪以為今其下民謂坂為是曲為桓也鄭引地理志者漢志隴西郡臨洮禹貢西傾山在縣西臨洮今甘肅洮州衛山在北來作依見地理志

書疏第三中

七

沔

史遷逾作踰鄭康成曰或謂漢為沔

疏

經云浮于潛此潛水

即郭氏音義所云一名沔水者水經漾水注引劉澄之說同又引庾仲邕言漢水自武遂川南入蔓葛谷越野牛逕至關城合西漢水故諸言漢者多言西漢水至葭萌入漢注又云漢水有二源始源曰沔又云東西兩川俱受沔漢之名沔水注云沔水一名沮水庾仲雍云是也故如淳曰此方人謂漢水為沔水案地理志武都郡武都東漢水受氏道水一名沔志所云氏道水即漾水也志于沮水云至河南入江不云沔然江即沔也故說文以沮水為沔水葭萌今四川昭化縣郭氏庾氏所云潛水通西漢者在是即經所謂浮潛入沔之水也或以水經云漾水至葭萌縣東北與羌水合謂羌水出臨洮一名白水即指為桓水水道則通但與班氏所說桓水鄭氏所說桓氏之義俱不合鄭注見史記集解水經桓水注云自西傾至葭萌入于西漢即鄭元之所謂潛水者也自西漢遡流而屆於晉壽界阻漾枝津南歷岡穴

池漚而接漢書所謂浮潛而逾沔矣說見前疏

入于渭亂于河注沔不通渭故經文言逾水

經桓水注云沔歷漢川至南鄭縣屬於褒水迺褒暨於

衙嶺之南谿水枝灌於斜川屆於武功而北達於渭水

此乃水陸之相關川流之所經復不乖禹貢入渭之字

實符尚書亂河之義也是酈氏以斜水入渭褒水入沔

謂沔渭相通恐未必是禹迹也亂者釋水云正絕流也

水經渭水又東過華陰縣北東入於河注云春秋之渭

沔也案華陰

今陝西縣

黑水西河惟雍州注鄭康成曰雍州界自

黑水而東至于西河疏釋地云河西曰雍州書疏引李

故云雍雍壅也釋名云雍州在四山之北內雍巖也釋文

引太康地記云雍州兼得梁州之地西北之位陽所不

及陰氣雍闕故取名焉呂氏春秋有始覽云西方為雍

州秦也黑水或以為瀘江或以為滇池皆失之書疏引

水經云黑水出張掖雞山至敦煌過三危山南流入於

南海今水經缺此文此云南海及海皆即居延海之屬

在張掖之南者案張掖郡治樂得縣今甘肅甘州府城

是也鄭注見公羊莊十年疏及史記索隱引地說云三

危山黑水出其南者

書疏第三中

七

似非張掖之黑水

弱水既西注鄭元曰眾水皆東此

獨西流故記其西下也弱一作溺疏地理志張掖郡刪

自此西至酒泉合黎說文作溺水云溺水自張掖刪丹

西至酒泉合黎餘波入于流沙桑欽所說又云岷山溺

水所出此岷山即雞山

刪丹今甘肅山丹縣

涇屬渭沔注馬融曰屬入也鄭

康成曰涇水渭水發源皆幾二千里然而涇小渭大屬

于渭而入于河地理志云涇水出今安定涇陽西开頭

山東南至京兆陽陵行千六百里入渭疏渭沔者說文

也鄭注召誥云沔隈曲中也此渭沔即今陝西高陵縣

地馬注見釋文云屬入者鄭注士冠禮云屬注也注即

入也鄭注見詩谷風疏及史記集解云涇水渭水發源皆幾二千里者地理志隴西郡首陽渭水所出東至船司空入河過郡四行千八百七十里雍州寢陽郡四者隴西天水右扶風左馮翊也地理志安定郡涇陽幷頭山在西禹貢涇水所出東南至陽陵入渭過郡三行千六百里雍州川過郡三者安定右扶風左馮翊也案涇陽縣在今甘肅平涼府城西陽陵故城在今陝西高陵縣西南涇水在縣東入渭鄭云屬于渭而入于河者渭水至船司空入河在漆沮既從

說

漆沮即澶水也說文

書疏第三中

九

於渭水也案今石川河至富平縣南入渭即此水是漆沮澶水落水一也說文又有漆水出右扶風杜陵岐山東入渭一曰入洛即地理志在漆縣西之漆水詩歸所云自土沮漆者但經文于涇屬渭汭下云漆沮既從似以澶水從洛入渭爲是若此漆入渭又在上流水經云漆水出杜陽縣俞山東北入于渭渭水注云渭水又東逕雍縣南雍水注之雍水東南流與橫水合水出杜陽山其水南流謂之漆陽川東南流左會漆水水出杜陽縣之漆谿謂之漆渠徐廣曰漆水出杜陽之岐山者也詩潛云猗與漆沮傳云漆沮岐周之二水也案此漆水在今陝西

澧水攸同

注

澧一作酆攸一作道

說

地理志

岐山縣 酆水出東南北過上林苑入渭作酆水經渭水東過槐里縣東豐水從南來注之注云豐水出豐谿西北流分爲二水一水東北流爲枝津一水北逕靈臺西又北至石墩注於渭地說云渭水又東與豐水會於短陰山內水會無他高山巽巒惟有原阜石激而已案今豐水在陝西咸陽縣東南入渭同者說文云合會也攸作適

見地志荆岐旣旅地理志左馮翊襄德禹貢北條荆山岐山在西北案襄德縣今陝西富平縣美陽今扶風縣也終南惇物至于鳥鼠地理志在南山下有疆梁原右扶風美陽禹貢

康成曰地理志終南惇物皆在右扶風武功也地理志石

扶風武功太壹山古文以為終南岳山古文以為敦物案武功今陝西郿縣太壹山今名太白山在縣東南岳

山今名武功山在縣東南俗呼敖山敖岳聲之轉今本地理志岳或誤作垂鳥鼠見後疏鄭注見史記集解

原隰底績至于豬野注鄭康成曰詩云度其隰原即此

原隰是也原隰幽地從此致功西至豬野之澤也地理

志都野在武威名曰休屠澤野一作埜釋地云下溼

原又曰可食者曰原下者曰溼鄭注見書疏及史記集解云詩云度其隰原即此原隰者見詩公劉篇當是幽

書疏第三中

三

地今陝西邠州及三水縣是其處也鄭又引地理志者漢志武威縣休屠澤在東北古文以為豬埜澤野作埜

即埜省文武威縣今甘肅鎮番縣地三危旣宅注史遷宅作度鄭康成曰

河圖及地說云三危山在鳥鼠西南與岐山相連當岷

山則在積石之東南注三危者禹貢山水澤地所在云

志云在沙州燉煌縣西南四十里春秋左氏昭九年傳

云允姓之姦居于瓜州注云允姓之祖與三苗俱放于

三危地理志燉煌郡引杜林以為古瓜州地則是燉煌

有三危山據古說也燉煌今甘肅燉煌縣鄭注見史記

集解及書疏引地說者書疏作地記書三危旣不見于

地理志故鄭別引地說也太平御覽地部引河圖括地

象曰三危山在鳥鼠之西南與汶山相接即鄭所據也

郡國志隴西郡首陽縣注地道記曰有三危三苗所處

案首陽為今甘肅渭源縣則此三危與燉煌之三危非

一山也鄭又云當岷山則在積石之東南蓋班氏不記

後世失其名也水經江水又東過江陽縣南雒水從三危山東道廣魏雒縣南東南注之注云山海經不言雒水所導經曰三危山所未詳案此卽地說所云與岷山相連者雒縣今四川漢州也三危山疑在此近地

苗不敘注史遷不作大厥土惟黃壤厥田惟上上厥賦

中下厥貢惟球琳琅玕注史遷球作璆琳一作玲鄭康

成曰球美玉也琳美石也琅玕珠也注史遷球作璆者

或作璆琳釋文云字亦作玲說文云玲璫石之次玉者故鄭以爲美石也琅玕釋文云似珠者禹貢雒州球琳

玕注見詩韓奕疏浮于積石至于龍門西河會于渭汭

注地理志金城郡河關積石山在西南羌中水經禹貢

名山積石山在河州枹罕縣西七里案河關及枹罕皆在今甘肅河州山在河州西北七十里也地理志馮翊

夏陽龍門山在北史記正義引括地志云龍門山在同

州韓城縣北五十里李奇云禹鑿河水處廣八十步案

夏陽今陝西韓城縣山在縣東北八十里西織皮昆侖

河者史記正義案河在冀州西故云西河

析支渠搜西戎卽敘注馬融曰崑崙在臨羌西析支在

河關西鄭康成曰衣皮之民居此崑崙析支渠搜三山

之野者皆西戎也別有崑崙之山非河所出者也搜一

作叟注崑崙俗字當爲崑崙析支史記索隱引大戴禮

五帝本紀云西戎析支渠搜氏羌搜作廋俗字地理志

作叟是也西戎卽序漢書西域傳贊引此云禹就而序

之非上威服致其貢物就者詩箋云卽也馬注見釋文

云崑崙在臨羌西者戰國趙策蘇秦上書云此代馬胡

駒不東而崑崙之玉不出也注後志金城臨羌有崑崙

地理志金城郡臨羌西北至塞外有西王母石室石釜

書疏第三中

有弱水昆侖山祠案臨羌在今甘肅西寧府西云析支在河關西者應邵注漢武紀云禹貢析支渠搜屬雍州在金城河關之西西戎也馬義同此鄭注見書疏云衣皮之民以其織皮爲衣以崑崙析支渠搜爲三山者太平御覽地部引崔鴻十六國春秋云酒泉太守馬岌上言酒泉南山卽昆侖之體也周穆王見西王母樂而忘歸卽在此山也山有石室王母堂珠璣鏤飾煥若神宮是鄭意與馬說同析支亦爲山者後漢書西羌傳云西羌之本出自三苗羌姓之別也其國近南岳及舜流四凶徙之三危河關之西南荒地是也濱於賜支至乎河首縣地千里賜支者禹貢所謂析支者也水經曰西羌者東入塞過敦煌酒泉張掖郡南注引司馬彪曰西羌者自析支以西濱於河首左右居也河水屈而東北流逕析支之地是爲河曲矣是言析支爲河曲之地其地多山亦爲山名也渠搜爲山者水經河水屈南過五原西安縣南注云河水自朔方東轉逕渠搜縣故城北地理志朔方有渠搜縣禮三朝記曰北發渠搜南撫交趾此舉北對南禹貢之所云析支渠搜矣案渠搜縣在今陝

書疏第三中

三

西懷遠縣北番界中或因山名縣也云別有昆侖之山非河所出者爾雅釋水云河出崑崙墟西山經云東望洶澤河水之所潛也其源泡泡渾渾又云敦薨之水注于洶澤出于崑崙之西北隅實惟河源水經云崑崙墟在西北河水出其東北陬說文丘从北从一也地也人居在丘南故从北中邦之居在丘東南南虛大丘也昆侖丘謂之昆侖虛是則崑崙山河所出者在中國之西北而此昆侖在正西卽周書王會解云正西昆侖等九國孔氏晁注云九者西戎之別名故鄭不以爲河出之山高誘注淮南云鍾山崑崙也是鍾山亦有崑崙之名今陝西塞外陰山也後人于河源所出卽名曰崑崙崙又不與河潛行南出之說合故不引爲經証

光緒歲在闕逢涒灘國子監肄業生吳縣朱記榮校刊
禹貢第三中終

禹貢第三下 虞夏書三

尚書今古文注疏卷三

賜進士及第授通奉大夫山東督糧道加三級孫星衍撰

導岍及岐注史遷作道九山岍及岐鄭康成曰地理志

岍在右扶風也注與導通岍及岐上有九山二字蓋孔

安國古文也今文亦有之故漢人有三條之說馬鄭本

或無岍俗字當從史公為岍釋水云岍出不流又云水

決之澤為岍蓋山以水得名後人譌作岍也鄭注見史

記集解引地理志者漢志右扶風岍縣吳山古文以為

岍山雍州山案岍縣今陝注至于荆山注馬融曰三條導

岍北條西傾中條嶓冢南條鄭康成曰四列導岍為陰

列西傾為次陰列嶓冢為次陽列岷山為正陽列注荆

山注書疏第三下

即前云荆岐既旅之山在漢懷德縣故城在今注西富

平馬鄭注見書疏地理志云懷德禹貢北條荆山馬義

所本注逾于河注史遷逾作踰壺口雷首注地理志河東

山在南案蒲反即今山西注至于太岳注史遷岳作嶽注

蒲州府雷首山在府南注河東毘縣霍太山稱太岳者因帝都冀州于此確功德

也白虎通云嶽之言猶也猶功德也詩疏引鄭志集問

云周都豐鎬故以吳岳為西岳據此知西周以華岳為

中岳不數嵩高也左氏昭四年傳司馬侯云四岳三塗

陽城太室名嵩高為太室別於四岳之外是周時不以

嵩高為中岳知虞夏時亦然故當以霍太山為太岳也

砥柱析城至于王屋太行恒山至于碣石入于海注砥

山名水經禹貢山水澤地所在云砥柱山在河東太陽

縣東河中地理志云河東郡渡澤禹貢析城山在西南

垣縣禹貢王屋山在東北案渡澤縣在今山西陽城山

在縣西南垣縣今山西垣曲山在今河南濟源縣西連

麓至山西垣曲也太行山名地理志河內郡山陽東太行山在西北水經禹貢山水澤地所在云在野王縣西北案山陽今河南修武縣山在縣西北野王今河南懷慶府志云東太行山者錢氏玷云山陽縣在野王之東也恒山地理志常山郡上曲陽恒山北谷在西北有祠并州山禹貢恒水所出東入滏水經禹貢山水澤地所在云恒山爲北岳在常山上曲陽縣西北案上曲陽今直隸曲陽縣山在縣西北祠內多有漢碑也古恒岳在此碣石在今奉天臨渝秦縣故城

太華注鄭康成曰地理志云朱圉在漢陽南太華山在

宏農華陰南注地理志天水郡冀縣禹貢朱圉山在縣南梧中聚隴西郡首陽禹貢鳥鼠同穴

山在西南京兆郡華陰太華山在南有祠豫州山案冀縣今甘肅伏羌縣朱圉山在縣西南首陽今甘肅渭源縣鳥鼠山在縣西華陰縣今屬陝西西安府華山在縣南鄭注見史記集解云朱圉在漢陽者天水郡明帝改

書疏第三下

二

漢陽云太華山在宏農華陰者續志云宏農郡華陰故屬京兆鄭俱據後漢志言之熊耳外方桐

柏至于陪尾注史遷陪作負鄭康成曰地理志熊耳在

盧氏東外方在潁川嵩高山桐柏山在南陽平氏東南

陪尾在江夏安陸東北若橫尾者注地理志宏農郡盧氏熊耳山在東潁

川郡密高縣武帝置以奉太室山是爲中岳有太室少室山廟古文以爲外方山也南陽郡平氏縣禹貢桐柏太復山在東南淮水出江夏郡安陸橫尾山在東北古文以爲陪尾山案盧氏今屬河南陝州熊耳山在東南

密高今登封縣中岳卽外方山在縣北平氏今河南唐縣桐柏山在桐柏縣西南安陸今湖北德安府陪尾山在府治東北史公陪作負者史記注導嶠至于荆山注索隱云負音陪鄭注見史記集解

鄭康成曰地理志荆山在南郡臨沮注地理志南郡臨沮禹貢南條荆

山在東北案臨沮今湖北遠安縣荆內方至于大別

山在今南漳縣西鄭注見史記集解

鄭康成曰地理志內方在竟陵名立章山大別在廬江

安豐縣疏地理志江夏郡竟陵章山在東古文以為內

陵故城在今湖北鍾祥縣南章山在今湖北荆門州南

安豐故城在今安徽霍山縣大別山在今霍邱縣西南

元和郡縣志云魯山一名大別山在漢陽縣東北一百

步此蓋水經注所云百翼際山也唐人謂之大別誤矣

鄭注見史記集解以章山為立章山者續志江夏郡竟

陵有立章山本內方鄭據當時山名也又以大別在廬

江安豐者續漢志安豐改屬廬山書岷山之陽至于衡

疏云地理志無大別檢之不密也

山注史遷岷作汶疏地理志長沙國湘南禹貢衡山在

縣衡山在今湖南衡山縣西北通典引三禮義宗云唐

虞以衡山為南岳周氏以霍山為南嶽案崔靈恩說未

是也蓋古文尚書以衡山為南岳今文以霍過九江至

山為南岳耳唐虞周氏恐互誤見堯典疏

于敷淺原注敷一作傳淺一作滅疏地理志豫章郡歷

在南古文以為傳淺原案歷陵今江西德安縣傳易山

在今縣南敷一作傳見史記及漢志史記集解引徐廣

曰淺一作滅疑傳易當導弱水注鄭康成曰弱水出張

掖弱一作溺至于合黎注馬融曰合黎地名鄭康成曰

山名地說云合黎山在酒泉會水縣東北說文岷山也

所出案即張掖雞山地理志張掖郡刪丹桑欽以為道

弱水自此西至酒泉合黎水經禹貢山水澤地所在云

合離山在酒泉會水縣西北案刪丹今甘肅山丹縣弱

水今名山丹河西北流與張掖河合亦曰羌谷水也會

水縣在今甘肅高臺縣西北鄭注弱水云云見史記集

解說本地理志及說文也馬注合黎地名見史記集解

書疏第三下

鄭注山名見書疏引地說見史記索隱地理志酒泉會水不載合黎山故馬以爲地名鄭別引地說也地說者卽下地記桑氏欽許氏慎之說所本

鄭康成曰地理志流沙居延縣西北名居延澤地記曰

弱水西流入合黎山餘波入于流沙通于南海馬注見史

記集解王逸注楚詞云流沙沙流如水也故馬以爲地名鄭注見史記集解引地理志者漢志張掖郡居延縣居延澤在東北古文以爲流沙案居延縣在今甘肅甘

州府治東北一千五百里史記正義引括地志云龍門山一名合黎一名窮石山在甘州剛丹縣西南七里淮南子云弱水源出窮石山又云合黎一名羌谷水一名

鮮水一名覆表水今名副投河亦名張掖河南自吐谷渾界流入甘州張掖縣今案合黎水出臨路松山東而

北流歷張掖故城下又北流經張掖縣三十三里又北流逕合黎山折而北流逕流砂磧之西入居延海行干

五百里合黎山在張掖縣西北二百里也云通于南海者淮南地形訓云弱水出自窮石至于合黎餘波入于

流沙南至南海謂流沙迤南之澤卽括地志之居延海也

導黑水至于三危入于南海鄭康成曰地理志益州滇池有黑水祠而不記此

山水所在地記曰三危山在烏鼠之西南而南當岷山

又在積石之西南當黑水祠黑水出其南脇今中國無

也疏黑水書疏引酈道元水經黑水出張掖雞山南流至敦煌過三危山南流入于南海太平御覽地部

引張掖記曰黑水出縣界雞山亦名元圃有娥氏女簡狄浴于元丘之水卽黑水也史記正義引括地志云黑

水源出伊吳縣北百二十里又南流二十里而絕三危山在河州燉煌縣東南四十里案地理志有張掖郡又有張掖縣屬武威水經所云張掖及張掖記皆指郡境

也卽今甘州府治說文岷山濁水所出卽雞山黑水亦

書疏第三下

出于此山丹縣西南窮石山卽岫山也三危山在燉煌卽今甘肅敦煌縣黑水經此入南海經云南海者卽居延海之屬史記大宛傳索隱引太康地記云河北得水爲河塞外得水爲海也故地理志羌谷水亦云北至武威入海不謂大海也孔氏書疏以爲越河入海張守節以南海爲揚州東大海謂黑水合從黃河而行河得入于南海俱失之矣鄭氏亦謂中國無此河泥地說三危在烏鼠西南不用燉煌有三危之說也考地理志張掖郡驪得羌谷水出羌中東北至居延入海其水逕甘北府城東北與山丹河合又西北逕高臺縣東北又東北流一千五百餘里入澤沙匯爲所稱黑水也括地志所云羌谷水卽水經注張掖記之所稱黑水也括地志所云伊吾縣今爲哈密出美瓜左傳所謂瓜州允姓之戎所居正三苗所竄之三危故楚詞天問云黑水元趾三危安在設詞以問天非竟不知其處也鄭注見史記集解又見通典州郡篇及書疏云益州滇池有黑水祠者地理志益州滇池有黑水祠鄭求黑水之入南海故及之又以三危在烏鼠之西南者漢書司馬相如傳注引張

書疏第三下

五

揖曰三危山在烏鼠山之西與岷山相近黑水出其南陂引此經是與鄭說同也云疑中國無此水者甘肅之黑水亦在塞外此黑水鄭亦導河積石馬融曰北條知絕遠不足當雍梁黑水矣

行河中條行渭洛濟淮南條行江漢

疏

釋水云河出崑崙虛經言積石

者據禹所導言之且河自蒲昌海潛行地下至是始出不溯其源聖人闕所不見也漢書西域傳云蒲昌海一名鹽澤去玉門陽關三百餘里廣袤三百里其水停居冬夏不增減皆以爲潛行地下南出於積石爲中國河云案鹽澤在今鎮西府闕展巡檢司西南地理志云金城郡河闕積石山在西南羌中河水行塞外東北入塞內至章武入海過郡十六行九千四百里案河闕在今甘肅河州西北山在州西北七十里河水過郡十六者金城天水武威安定北地朔方五原雲中定襄雁門西河上郡河東馮翊河南河內東郡平原千乘共十九郡也後漢書段熲傳云羌寇隴西金城塞熲追之遂至河首積石山出塞二千餘里此積石之見于史者水經禹

貢山水澤地所在云積石山在隴西河關縣南亦同史說惟水經河水條云河西南至積石山下有石門又南入蔥嶺山酈氏道元注云河自蒲昌海潛行地南下出積石而經文在此似如不比積石宜在蒲昌海下矣唐人疑積石有二以大積石在吐谷渾界小積石在河州謂卽再貢浮干積石至于龍門者見史記正義引括地志恐誤認段熲傳至河首積石山出塞二千餘里之言指一山以當積石猶後人尋得河源卽指一山以當昆侖非古說也段熲傳云出塞二千餘里蓋言追羌至積石又出塞二千餘里非積石在塞外二千餘里也馬氏注見黃庶書說二卷道水亦如道山分三條也至于龍門南至華陰東至于

砥柱 注鄭康成曰地說河水東流貫砥柱觸闕流今世

所謂砥柱者蓋乃闕流也砥柱當在西河未詳也

水經注山水澤地所在云砥柱在河東太陽縣東河中薛綜注東京賦云砥柱山名也在河東縣東南向居河中猶柱

書疏第三下

然也案太陽縣在今山西平陸縣東北砥柱一名三門在河南陝縣東北五十里鄭注見水經河水注以地說貫砥柱當在西河者地理志河東郡大陽不載砥柱故疑其在西河也水經河水東過大陽縣南又東過砥柱間注引鄭氏說而非是酈氏以三門爲砥柱五戶灘爲闕流恐非西漢已前之說也

又東至于

孟津 注史遷孟作盟 疏孟津亦作盟津者孟盟聲相近

河南有鈞陳壘河水至斯有盟津之目又曰富平津又謂之爲陶河薛綜注東都賦云孟津四瀆之長引尚書作盟津云地名在洛北都道所湊古今東過洛汭至于

以爲津案平縣在今河南孟津縣西北

大伾 注史遷伾作陴一作坯鄭康成曰山一成曰伾地

喉也沈出伾際矣然則大伾在河內修武武德之界濟沈之水與滎播水出入自此

疏洛汭在今河南鞏縣水經云河水又東過鞏縣

北洛水從縣西北流注之注云洛水於鞏縣東逕洛水北對琅邪渚入于河謂之洛口矣案鞏故城在今河南鞏縣西南三十里伍史公作邳書釋文云一作岷或作陘者岷俗字陘卽邳之譌字也說文作岷云丘再成再當作一水經河水又東過成臯縣北注云河水又東逕成臯大伾山下爾雅曰山一成謂之伾許慎呂忱等並以爲丘一成也孔安國以爲再成曰伾亦或以爲地名非也又云成臯縣之故城在伾上案成臯故城今在河南汜水縣西一里大伾山上則虎牢連麓大伾也漢書集注臣瓚云今修武武德無此山也成臯縣山又不一成也今黎陽縣山臨河豈是與案大成在河南薛瓚求之河北修武武德之界故無此山一成之山最卑瓚又疑爲高山故以成臯山不一成指黎陽大山當之云豈是尙是疑詞隋地理志黎陽有大伾山遂承薛氏之誤案卽今河南濬縣東南二里黎陽山山甚高不止一成唐洪經綸刻石名爲大伾俱不足據鄭注見溝洫志注及水經河水注云山一成曰伾者見前疏云地喉者後文引地說大陸爲地腹此爲地喉知亦本地說也云沈

書疏第三下

七

出伾際者水經云濟水當鞏縣北南入於河與河合流又東過成臯縣北又東過滎陽縣北又東至礫谿南東出過滎澤北注云晉地道志曰濟自大伾入河與河水鬪南泆爲滎澤故鄭云沈出伾際下又云濟沉之水與滎播澤出入自此也云大伾在河內修武武德之界者謂在修武之西武德之東以北虜山言之云在成臯南岸也修武河南縣今屬懷慶府武德縣故城在今河南武陟縣東

北過降水至于大陸

地說云大河東北流過降水千里至大陸爲地腹地理

志曰大陸在鉅鹿絳水在安平信都南如志之言鉅鹿

與信都相去不容此數也水土之名變易世失其處見

降水則以爲絳水故依而廢讀或作絳字非也今河內

其北山淇水其水出焉東至魏郡黎陽入河近所謂降
水也降讀當如郟降於齊師之降聲轉爲其蓋周時國
有地者惡言降故改云其耳今河所從去大陸遠矣館

陶北屯氏河其故道與

疏 固以爲其水大陸班氏

春秋有始覽云晉之大陸注云魏獻子所居又云趙之
鉅鹿注云廣阿澤也則周秦已前人皆不以大陸爲鉅
鹿左氏定元年傳魏獻子田于大陸焚焉還卒於甯注
云禹貢大陸在鉅鹿北嫌絕遠疑此田在汲郡吳澤荒
蕪之地水經淇水注引晉書地道記曰朝歌城本沫邑
也殷王武丁始遷居之爲殷都也紂都在冀州大陸之
野卽此矣則此大陸卽魏獻子所田之處案修武今河
南縣與成臯接界是大陸在河南懷慶府境內去直隸
之鉅鹿絕遠水經濁漳水注爲調停其說云自甯迄於
鉅鹿出於東北皆爲大陸案釋地云高平日陸大陸曰

書疏第三下

八

阜尋大陸當是高平之土不合以鉅鹿澤當之河渠志
云禹以爲河所從來者高水湍悍難以行平地數爲敗
乃廝二渠以引其河北載之高地過降水至于大陸是
史公以高地釋大陸亦不得以爲鉅鹿澤也且據鄭氏
以屯氏河爲大河故道屯氏河不經鉅鹿澤也自大河
屢徙故道不可復考姑存古說之在班氏前者以爲經
証史公說見上疏鄭注見水經濁漳水注鄭注云者
據大陸說駁班氏以絳水爲禹貢降水之失也云如志之
言大陸在鉅鹿者地理志鉅鹿郡鉅鹿禹貢大陸澤在
北信都國信都縣故章河故虜池皆在東北入海禹貢
絳水亦入海案鉅鹿縣在今直隸平鄉境信都縣在今
直隸冀州東北相去四百餘里不得如地說之言有千
里故云不容此數也云河內北共山淇水出者地理志
河內郡其縣北山淇水所出東至黎陽入河說文淇水
出河南其北山東入河或曰出隆慮西案黎陽今濬縣
淇水故道在此入河漢志無其水疑卽淇水以出其山
亦名其水也云館陶北屯氏河其故道者地理志魏郡
鄴縣故大河在東北入海館陶縣河水別出爲屯氏河

東北至章武入海過郡四行千五百里水經河水注云河之故瀆自少丘堰南分屯氏河出焉又云一水分大河故瀆北出爲屯氏河逕館陶縣東北出案館陶今山東縣屬東昌府衛河所經卽隋之永濟渠漢之屯氏河也溝洫志云道河北行二渠復禹舊迹又云自塞宣房後河復北決於館陶分爲屯氏河東北逕魏郡清河信都勃海入海是班氏以河故道在鄴東謂屯氏以爲塞宣房後別出之河鄭即以屯氏爲禹河故迹與班說亦異也河至天津入海卽漢章武地今濬縣滑縣開州內黃清豐南樂大名元城冠縣館陶堂邑清平清河博平高唐平原德州青縣靜海天津皆大河故瀆所經蓋自周時河徙至漢王莽時絕則今山東海豐入海之河俗稱老黃河衛河在其東北

入海故鄭氏以爲禹河故瀆又北播爲九河注鄭康成曰播散也同爲逆河入于海注鄭康成曰下尾合名曰

逆河言相逆受也疏又北者水經河水又東北過黎陽縣南注云河水舊於白馬縣南決

書疏第三下

九

通濮濟黃溝又云故瀆東逕白馬縣之涼城北又東南逕濮陽縣散入濮水又云河水又東北爲長壽津河之故瀆出焉漢書溝洫志曰河之爲中國害尤甚故導河自積石歷龍門驪二渠以引一則濕川卽今所流一則北瀆石莽時空故世俗名是瀆爲王莽河也故瀆東北逕戚城西又逕繁陽縣故城東北逕陰安縣故城西又東北逕昌樂縣故城東又東北逕平邑郭西又東北逕元城縣故城西北而至少丘堰堰者障水也尙書禹貢曰北過降水不遵其道曰降亦曰潰至於大陸北播爲九河風俗通曰河播也昔禹治洪水播爲九河自此始也案禹河最不可考在少丘堰已南之地故備載水經注以諗後人涼城今河南滑縣戚城今直隸開州繁陽今河南內黃陰安今直隸清豐昌樂平邑皆今直隸南樂縣元城今直隸大名府少丘在府治北舊說河自此分爲九河也水經注引經北過絳水云不遵其道曰降亦曰潰則是古文書說亦有不以降水爲水名者與班鄭俱異也逆一作迎者河渠書溝洫志皆作同爲迎河入于勃海地理志勃海郡莽曰迎河南皮縣莽曰迎河

亭初學記云逆迎也言海口有朝夕潮以迎河徐堅初
唐人疑亦引鄭說也以不明言鄭注故不附于經入海
者地理志金城郡言河至章武入海魏郡屯氏河亦言
章武入海章武屬勃海郡今直隸滄州薛瓚則云禹貢
夾右碣石入于河則河入海乃在碣石元光三年河徙
從東郡更注勃海禹時不注勃海也水經注云河之入
海舊在碣石今川流所導非禹瀆也鄭注見詩般正義
及史記集解云播散者惟南要畧篇云禹別河以道九
岐注云九岐河水播岐爲九以入海也說文云播布也
案播聲相近布猶布散也云下尾合名曰逆河者勃海
郡及南皮王莽皆有逆河之名是本古說則鄭以禹河
入海在勃海勃海距碣石五百餘里鄭不以逆河在碣
石

也嶧冢導漾東流爲漢注史遷漾作漾鄭康成曰地理
志漾水出隴西氐道至武都爲漢至江夏謂之夏水漾

一作養疏

史公漾作養者地理志作養說文漾古文作
漾養蓋省文鄭注見史記集解引地理志者

書疏第三下

漢志隴西氐道禹貢養水所出東至武都爲漢西縣禹
貢嶧冢山在西西漢水所出南入廣漢白水南郡華容
夏水首受江東入沔行五百里常璩漢中志云漢源有
二東源出武都氐道漾山因名漾西源出隴西嶧冢山
會白水經葭萌入漢始源口沔故曰漢沔案氐道在今
甘肅上邽下辨北西縣在今甘肅秦州西華容在今
湖北荊州府治東南南至武都爲漢過江夏謂之夏水
者地理志武都郡武都縣東漢水受氐道水一名沔過
江夏謂之夏水水經沔水出武都沮縣東狼谷中注云
沔水一名沮水又云沔水又東南逕沮水成而東南流
注漢曰沮口所謂沔漢者也引此文又云庾仲雍云是
水南至關城合西漢水又東北合沮口同爲漢水之源
也又云漾水至漢中爲漢水案沮縣在今陝西畧陽縣
東南又水經夏水云夏水出江津於江陵縣東南東過
華容縣南又東至江夏雲杜縣入于沔注云應劭十三
州記曰江別入沔爲夏水源夫夏之爲名始於分江東
竭夏流故納厥稱今按夏水是江流沔非沔入夏自堵
口下沔水通兼夏目而合于江謂之夏沔也案雲杜縣

今在湖北天門縣西北水經注云漾水至漢中為漢水則漾水至陝西畧陽為漢至湖北天門縣為夏水也

又東為滄浪之水注鄭康成曰滄浪之水言今謂夏水

來同故世變名焉即漢河之別流也漁父謬曰滄浪之

水清兮可以濯吾纓是此水也疏鄭注見水經夏水注

同以滄浪為夏水者水經夏水注引劉澄之永初山川

記云夏水古文以為滄浪水漁父所歌也史記正義引

括地志云均州武當縣有滄浪水庾仲雍漢水記云武

當縣西四十里漢水中有洲名滄浪洲也地記云水出

荆山東南流為滄浪注過三澨至于大別注馬融曰三澨

水案武當今湖北縣注水名也鄭康成同曰三澨在江夏竟陵之界疏水經禹

澤地所在云三澨地在南郡郢縣之北沱說文澨埤增水

邊土人所止者夏書曰過三澨水經注云服虔或謂之

邑或又謂之地京相璠杜預亦云水際及邊地名也惟

鄭元及劉澄之言在竟陵縣界經云郢縣北沱然沱荒

多矣論者疑焉而不能辨其所在郢縣故城在今湖北

宜城縣東北竟陵今天門縣據說文為水邊土人所止

也非地名不必求其所在也馬注見水經山水澤地所

在注鄭注見史記集解史記索隱云今竟陵有三參水

俗云是三澨水參音去聲大別鄭于導山以為在安豐

此不注者亦必在安豐縣南杜預漢志同京相璠亦曰

大別漢東名山在安豐縣南杜預漢志同京相璠亦曰

又不能言其所在然酈氏于水經決水出廬江雩婁縣

南大別山注云俗名為檀山峴蓋大別之異名也案雩

婁在安豐縣南不信漢所至之大別在安豐何也自元

和郡縣志始以漢陽江側之魯山當之唐已前無是說

也酈氏沔水注按地說言漢水東行觸大別之阪南與

江合則與尚書杜預相符但今不知所在矣據此知酈

氏亦不以魯山為大別或言漢水觸大別之阪阪者山

脉之靡迤不盡者南入于江疏水經沔水南至江夏沙

耳非直至山下也

南入于江疏水經沔水南至江夏沙

書疏第三下

縣在今湖北嘉魚縣東北

東匯澤為彭蠡東為北江入于海注鄭康

成曰匯回也漢與江闕轉東成其澤矣疏鄭注見水經

回者一切經音義三引蒼頡云匯水回也廣雅釋詁云

匯大也足以增足鄭義成澤之說彭蠡見前經云東為

北江者水經沔水與江合流又東過彭蠡澤又東北出

居巢縣南又東過牛渚縣南又東至石城縣分為二其

一東北流其一又過毗陵縣北為北江注云經所謂石

城縣者即宣城郡之石城縣也牛渚在姑孰烏江兩縣

界中於石城東北城五百許里安得逕牛渚而方岷山

屈石城也蓋經之謬誤也北江入海見前三江疏

導江東別為沱注史遷岷作汶一作嶧一作嶧疏地理

志成都郡前氏道禹貢嶧山在西徼外江水所出東南至江

都入海過郡七行二千六百六十里說文云嶧山在蜀

前氏西徼外江水出蜀前氏徼外嶧山入海則嶧岷即

嶧省字也楚詞作汶地理志汶江縣亦作汶借字也案

書疏第三下

七

瀕氏道今四川茂州東北地山在今龍安府松潘同知

城北邊外江水出山之羊膊嶺有二源過郡七者蜀郡

犍為巴郡長沙江夏廣陵也東別為沱者地理志成都

郡郫縣禹貢江沱在西東入大江汶江縣江沱在西東

入海水經禹貢山水澤地所在云益州沱水在蜀郡汶

江縣西南其一在郫縣西南皆還入江案郫今四川縣

屬成都府沱即郫江自四川灌縣西南分江至瀘州復

合者汶江縣今為茂州驗無此水保縣東南有玉輪江

疑是沱故瀆水經江水注云江水歷氏道縣北又逕汶

江道又東別為沱開明之所鑿也開明七國時人當因

禹迹鑿深之酈氏以此為江沱然不自

江出故鄭欲以酈水當之也詳見前疏又東至于澧注

史遷澧作醴馬融曰澧水名鄭康成曰醴陵名也大阜

曰陵長沙有醴陵縣其以陵為名乎此經自導弱水已

下其過言會者皆是水名言至于者或山或澤皆非水

名 **疏** 馬注見史記集解云水名者水經澧水東至長沙

又水經云江水又東至長沙下雋縣北澧水沅水資水

合東流注之案澧水注湘由湘達江在今洞庭湖北故

馬氏以為水名也鄭注見史記集解及書疏云大阜曰

有醴陵蓋後漢分地理志臨湘縣之南境所置臨 **過九**

湘今湖南長沙府治下雋今在湖北通城縣西

江至于東陵 **疏** 地理志廬江金蘭西北有東陵鄉水經

蘭縣西北水經注江水又西北逕下雋縣江水又東右

得蘭溪水口又東左得青林口江水左傍青林湖水出

廬江郡之東陵鄉江夏有西陵縣故是言東矣尚書云

江水過九江至於東陵者也西南流水積為湖湖上有

青杜山案下雋在今湖北興州東南水經決水注云

灌水導源廬江金蘭縣西北東陵鄉大蘇山錢氏站曰

大蘇山即東陵在今河南固始縣南 **東迤北會于匯** **注** 馬融曰迤靡也鄭

康成曰東迤者為南江迤一作地 **疏** 說文云迤衰行也

文云迤靡者鄭司農注考工記迤讀為倚移從風之移

文選甘泉賦注云迤靡相連貌也鄭注見史記集解云

東迤者為南江者地理志丹陽郡石城分江水東至餘

姚入海會稽郡吳縣南江在東南入海水經沔水注沔

水東至石城縣分為二其一東北流注云地理志曰江

水自石城東出逕吳國南為南江江水自石城東入為

貴口東逕石城縣北又東逕宜城之臨城縣南又東逕

安吳縣又東逕寧國縣南又東逕故鄣縣南安吉縣北

又東北為長嶺歷湖口南江東注於具區謂之五湖口

據此則鄭以會于匯為入于具區也迤一作迤見地理

志及 **東為中江入于海** **疏** 中江水今絕流 **導沔水東流**

說文 **為濟入于河溢為滎** **注** 史遷溢為佚鄭康成曰地理志

沔水出何東東垣王屋山東至河內武德入何佚為滎

今河南固始縣南 **東迤北會于匯** **注** 馬融曰迤靡也鄭

大蘇山即東陵在今河南固始縣南 **東迤北會于匯** **注** 馬融曰迤靡也鄭

今河南固始縣南 **東迤北會于匯** **注** 馬融曰迤靡也鄭

書疏第三下

濟一作沛溢一作軌史公溢為泆者鄭注周禮引經

滿也廣雅釋詁云出也義相同泆者說文云水所蕩泆

也莊子釋文泆本或作溢是溢泆本通字作軌者文選

西都賦注引三蒼云從後出前也亦滿出之義鄭注見

史記集解引地理志者漢志河東東垣縣王屋山在東

北泆水所出東南至武德入河軼出滎陽北地中又東

至琅槐入海過郡九行千八百四十里水經云濟水出

河東垣縣東王屋山為泆水又東至溫縣西北為濟水

又云又南當鞏縣北入於河與河合流又東過成臯縣

北又東過滎陽縣北又東至礮谿南東出過滎澤北注

云釋名曰濟濟也源出河北濟河而南也晉地道志曰

濟自大伾入河與河水關南泆為滎澤見上疏東出于陶丘北鄭康成曰地

理志陶丘在濟陰定陶西北出一作至說文云陶丘

陰夏書曰東至于陶丘引出字作至鄭注見史記集解

引地理志者漢志濟陰郡定陶禹貢陶丘在西南水經

云濟水過定陶縣南又屈從縣北流注云南濟也又東

北合荷水水上承濟水於濟陽縣東世謂之五丈溝又

東逕陶丘北墨子以為陶丘也尚書所謂道荷又東至

水自陶丘北謂此也案陶丘在今山東定陶縣又東至

疏

書疏第三下

于荷疏水經濟水東至乘氏縣北流分爲二其一水東南

南流者過乘氏縣南又東過方與縣北為荷水案

乘氏縣今山東曹州府治方與縣今山東魚臺縣又東

北會于汶疏水經濟水至乘氏縣西分爲二其一水從

界安民亭南汶水從東來注之注云戴延之所謂清口

也郭緣生述征記曰清河首受洪水北注濟或謂清口

濟也禹貢濟東北會於汶今枯渠注鉅澤北則清口清

水與汶會也桑欽曰汶水出泰山萊蕪縣西南入濟是

疏

合汶之濟入河一水東南流合荷之濟入淮此云入海謂入汶之濟

史遷北東作東北

又北東入于海

也水經云濟水又東過甲下邑入於河注云濟水東北至甲下邑南東歷琅槐縣故城北山海經曰濟水絕鉅野注勃海入齊琅槐東北者也又東北河水枝津注之水經以爲入河非也斯乃河水注濟非濟入河又東北入海郭景純曰濟自滎陽至樂安博昌入海今河竭濟水仍流不絕經言入河二說並失然河水於濟濕之北別流注海今所輟流者惟濕水耳郭或以爲濟注之卽實非也尋經脈水不如山經之爲密矣案濟水卽今小清河也北逕山東利津縣城東又東北入于海地理志過郡九者濟水從武德已下過河內河南陳留濟陰山陽太山濟南齊千乘也其入淮之導淮自桐柏注鄭康流或在溝通江淮之後非禹迹與

成曰凡言導者發源于上未成流凡言自者亦發源于

上未成流疏地理志南陽郡平氏禹貢桐柏大復山在

行三千二百四十里水經云淮水出南陽平氏縣胎簪山東北過桐柏山注云淮水與醴水同源俱導西流爲

書疏第三下

五

醴東流爲淮潛流地下三十許里東出桐柏大復山南謂之陽口水南卽復陽縣也平氏故城在今河南桐柏大復山之陽故曰復陽也案平氏故城在上未成流蓋以縣西北鄭注見書疏云言自者發源於上未成流蓋以淮伏流地下東會于泗沂疏水經淮水又東至下邳淮道而通之也東會于泗沂疏陰縣西泗水從西北來流注之注云淮泗之會卽角城也左右兩川翼夾二水決入之所所謂泗口也案角城故城在今江南清河縣西今江南邳州沂水入泗而達河在今清河縣下邳東入于海疏臨淮郡淮浦游水北入海水經淮水注云淮水於縣分北爲游水游水東北逕紀鄆故城南杜預曰紀鄆二地名東海贛榆縣東北有故紀城卽此城也游水東北入海案贛榆今江南縣屬導渭自鳥鼠同穴注鄭康成曰鳥鼠之山有鳥焉與鼠飛行而處之又有止而

同穴之山焉是二山也鳥名爲餘似鷓而黃黑色鼠如家鼠而短尾穿地而共處鼠內而鳥外

疏地理志隴西郡首陽禹貢

鳥鼠同穴山在西南渭水所出東至船司空入河過郡四行千八百七十里雍州浸水經云渭水出隴西首陽縣渭谷亭南鳥鼠山注云渭水出首陽縣首陽山渭首亭南谷山在鳥鼠山西北縣北有金城嶺嶺上有城號渭源城渭水出焉三源合注東北流逕首陽縣西與別源合水南出鳥鼠山渭水谷尚書所謂渭出鳥鼠者也地說曰鳥鼠山同穴之枝幹也渭水出其中東北過同穴枝間既言其過明非一山也案首陽今甘肅渭源縣山在縣西二十里鄭注見水經禹貢山水澤地說見上鄭亦以鳥鼠之山與同穴之山爲二者鄭信地說見上疏說文云渭水出隴西首陽渭谷亭南谷東入河杜林說夏書以爲出鳥鼠山鄭氏尚書本于杜林杜氏單名鳥鼠是析同穴而別言之云鳥名爲餘者釋鳥云鳥鼠同穴其鳥爲餘其鼠爲騶書疏引李巡云餘騶鳥鼠之

書疏第三下

去

名共處一穴天性也郭氏璞注與鄭畧同云穴入地三四尺宋書云沙州甘谷嶺有雀鼠同穴或在山巔或在平地雀色白鼠色黃地生黃紫花草便有雀鼠穴皆足增足鄭義鄭云似鷓者釋鳥云鷓鴣寇雉一切聲音義引爾雅注云今鷓大如鷓亦言如鷓似鷓雉鼠脚無後指岐尾爲鳥愁急羣飛出北方沙漠地肉美俗名突厥雀生蒿萊之間較郭注

漆沮 **疏**經云東會于澧云云見前雍州涇屬渭入于河

疏渭水在今陝西華陰縣北入河地理志言過郡四者

縣東 **疏**導洛自熊耳 **注**洛一作雒 **疏**地理志宏農郡上雒

東北至鞏入河過郡二行千七百里豫州川熊耳獲輿山在東北水經云洛水出京兆上洛縣謹舉山注引山海經曰出上洛西山又曰謹舉之山洛水出焉案上雒縣今陝西商州水出商州洛南縣西冢領山東南流逕

盧氏縣南謹舉卽獲輿之異名也
東北會于澗瀍又東

會于伊疏水經云澗水出新安縣南白石山東南入於洛
瀍水東過偃師縣又東入于洛案水經洛

水不言合于澗瀍惟云東過洛陽縣南伊
又東北入于

河疏水經云洛水過鞏縣東又北入于河案鞏縣故城
在今河南鞏縣西南二十里地理志云過郡二者

宏農河九州攸同注攸一作迺疏禮運云是謂大同注
云同猶和也平也攸

作迺見四隩旣宅注史遷隩作奧一作壘疏說文云壘
四方土可

地理志四隩旣宅注居也文選西都賦注引說文居作定居宅者釋言云居
也周語云宅居九隩注云隩內也九州之內皆可宅居

也九山刊旅注刊一作乘疏周語云封崇九山注云言
數澤刊作乘九川條源疏河渠書云九川旣疏條源同

見地理志書疏第三下七

條當爲條漢書集注云條達也條源者謂疏達其水原
也史公云疏者說文云滌洒也洒與灑聲相近河渠書

云乃斯二渠以引其河索隱曰斯漢書作灑史記舊本
亦作灑韋昭云疏決爲灑是灑與洒皆疏決也川者鄭

注周禮川衡云流水也引此文源俗字說九澤旣陂疏
文作灑經典或作原周語云汨越九原

九澤謂九州之澤周語陂障九澤注云障防也河渠書
云九澤旣灑灑義見上疏澤者鄭注周禮澤虞云水所

鍾也引此文陂者說文四海會同疏周語云合通四海
云阪也阪一日澤障

六府孔修注史遷孔作甚疏春秋左氏文七年傳云水
者高誘注淮南子云治也史

公孔作甚者爾雅釋言文庶土交正底慎財賦注史
遷庶作衆底作致鄭康成曰衆土美惡及高下得其正

矣亦致其貢篚慎奉其財物之稅皆法定制而入之也

疏

鄭注見史記集解

咸則三壤成賦

注

鄭康成曰三壤上中下

各三等也

疏

則者釋詁云法也鄭注見史記集解

中邦錫土姓祗台德先

不距朕行

注

史遷邦作國鄭康成曰中即九州也天子

建其國諸侯祚之土賜之姓命之氏其敬悅天子之德

既先又不距違我天子政教所行

疏

史遷邦作國者非避諱字後人遇國

字率改爲邦誤矣鄭注見史記集解是中即九州者周

禮大行人職云九州之外謂之蕃服是中邦在九州之

內也云天子建其國諸侯祚之土云云者春秋左氏隱

八年傳衆仲曰天子建國因生以賜姓胙之土而命之

氏是也白虎通姓名篇引刑德放曰堯知命表稷契賜

姓子姬皐陶典刑不表姓言天在德遠刑禹姓似氏祖

昌意以蕙芬生殷姓子氏祖以元鳥子生周姓姬氏祖

以履大人迹生也以祗台爲敬悅者釋詁云祗敬也怡

樂也台與怡聲相近悅即樂也云距違者廣雅釋言

云距困也周語注云距去也故鄭以距爲距違也

五

百里甸服

注

史遷說爲今天子之國以外五百里甸服

里者穀梁宣十五年傳云古者三百步爲里韓詩外

傳云廣三步長三百步爲一里王制云天子之甸方

千里注云象日月之大亦取晷同也又云千里之內曰

甸服注云服治田出穀稅也周語云夫先王之制五百

里甸服注云甸王田也服服其職業也白虎通京師篇

云法日月之徑千里然則云五百里者去王城外各

五百里也故史公說爲今天子之

國以外國者鄭注曲禮云城中也

百里賦納總二百里

納銍三百里納秸服

注馬融曰秸去其穎

疏馬注見釋文詳後疏

四百里粟五百里米

注鄭康成曰甸服者堯制賦其田

使入穀禹弼其外百里者賦入總謂入刈禾也二百里

書疏第三下

六

銓銓斷去藁也三百里秭秭又去穎也四百里入粟五
百里入米者遠彌輕也甸服之制本是納總禹爲之差
使百里從之耳

疏

史公云令天子之國五百里甸服百
里賦納總者是以百里爲去王城百

里下二百里至五百里皆爲去王城之數也僞傳以百
里賦納總爲甸服內之百里近王城者書疏云司馬遷
與孔意同是也王制疏引五經異義云今尙書歐陽夏
侯說中國方五千里古尙書說五服旁五千里相距萬
里太平御覽六百廿六引孫武曰夫帝王處四海之內
居五千里之中焉能盡專其利是以分建諸侯以其利
而利之使食其土之毛實役其人民之力故賦稅無轉
徙之勞徭役無怨曠之歎矣歐陽及孫子說皆同史公
是用秦已前書古文說也鄭注見詩甫田疏云禹獨
其外者鄭以禹廣輔堯之五服百里是甸服之外百里
去王城六百里下二百里至五百里皆去五百里甸服
之數與史公及古說異也云賦入總謂入刈禾者禮器

書疏第三下

九

疏引作謂所刈禾說文總聚束也史記索隱引說文作
聚束草誤多一字總是聚禾束則并稾秭納之云銓斷
去藁者禮器疏引作謂刈穗也說文銓穫禾短鎌也稾
稗也故知經言銓是斷稾之名去稗留穗故刈穗也稾
云秭又去穎者禮器疏引作禾去其實惟藁秭也說文
云稽禾藁去其皮玉篇作秭云秭同上則秭是稽俗字
云去穎者說文云穎禾末也案禾去其穎所輕無幾鄭
說益用詩傳云穎垂穎也言斷去其藁惟留穎于穗納
之許君以銓爲穫禾連稾者稽爲禾藁去皮者鄭氏以
禾連稾則爲總與納總無差以銓爲去藁惟留其莖又
以秭爲去莖惟留其穗也入粟入米遠彌輕者論衡量
知篇云穀米春烝曰粟說文云粟嘉穀實也米粟實也
米質比粟更輕也云甸服之制本是納總者鄭以甸服
之彌在五百里外猶使百里納總則甸服之內自皆納
矣

總

五百里侯服

史遷說爲甸服外五百里侯服百里

采

馬融曰采事也各受王事者二百里男邦

采

史遷

男邦作任國三百里諸侯疏馬注見史記集解云采事

大戴禮本命篇云男者任也男子者任者釋詁文史公男作任者天地之道案男任聲相近經典多通五百里綏服

史遷說為侯服外五百里綏服三百里揆文教二百里

奮武衛疏綏者釋詁云安也揆者釋言云度也衛者周

綱當衛之衛服義取藩衛鄭云綏服于周為采服其服是也五百里要服史遷說為綏服外五百里要服

疏周書王會云方千里之外為比服方二千里之內為

要服方三千里之內為荒服注云此服名因於殷非

周制也史公說要服去甸服一千五百里荒服去甸服

五百里要服在方三千里之內荒服在方五千里之內

也三百里夷馬融曰夷易也二百里蔡馬融曰蔡

法也受王者刑法而已鄭康成曰蔡之言殺滅殺其賦

書疏第三下

疏馬注夷易也見釋文史記五帝本紀以堯典厥民夷

作其民夷易是夷即易也馬注蔡法也云云見史記

集解云蔡法者漢書宣帝紀云骨肉之親祭而不殊北

堂書抄親戚封部引作祭然不殊如淳曰祭或作散殊

或作誅也祭即蔡左傳所云蔡蔡叔也言置之于法不

令殊死顏氏師古以祭為明非也馬義同此謂在中國

之外但奉王法不共賦役也鄭注見書疏以蔡為殺者

周禮廩人詔王殺邦用注云殺猶滅也廣雅釋詁云殺

滅也蔡聲近殺春秋左氏昭元年傳蔡蔡叔釋文引說

文作蔡故為滅殺也周禮大行人職侯服以至要服各

有朝貢之歲是夷服之貢滅殺于中五百里荒服史

國貢所以當賦故云滅殺其賦也

遷說為要服外五百里荒服馬融曰政教荒忽因其故

俗而治之疏馬注見史記集解韋昭注周語戎狄荒服

言也義疏云與戎狄同俗故謂之荒荒荒忽無常之

與馬同三百里蠻二百里流今尚書歐陽夏侯說中

國方五千里古尙書說五服旁五千里相距萬里馬融曰蠻慢也禮簡怠慢來不距去不禁流行無城郭常居甸服之外每百里爲差所納總銓秸粟米者是甸服之外特爲此數其侯服之外每言三百二百里者還就其服之內別爲名耳非是服外更有其地也甸服之外五百里至城千里其侯綏要荒服各五百里是面三千里相距爲方六千里鄭康成曰蠻者聽從其俗羈縻其人耳故云蠻蠻之言緡也每言五百里一服是堯舊服每服之外更言三百里二百里者是禹所彌之殘數也堯

書疏第三下

三

之五服服五百里耳禹平水土之後每服更以五百里輔之是五服服別千里故一面而爲差至於五千也堯之時土廣五千里禹彌成五服土廣萬里甸服比周爲王畿其弼當侯服在千里之內侯服爲甸服其弼當男服在二千里之內綏服於周爲采服其弼當衛服在三千里之內要服於周爲蠻服其弼當夷服在四千里之內荒服於周爲鎮服其弼當蕃服在五千里之內

疏今尙

書歐陽夏侯說及古尙書說見王制疏引五經異義御覽六百廿六引孫武曰夫帝王處四海之內居五千里之中焉能盡專其利是以分建諸侯以其利而利之使食其土之毛實役其人民之賦故稅無轉徙之勞徭役

無怨曠之歎矣此與今文書說同也漢書王莽傳注服虔曰唐虞及周要服之內方七千里夏殷方三千里漢地南北萬三千里也馬注見史記集解又見詩殷武疏及書疏云蠻慢者王制疏引風俗通云君臣同川而浴極爲簡慢蠻者慢也義與馬同云流行無城郭常居者王制云千里之外曰采曰流鄭注云流謂夷狄流移或貢或不引此經爲証云甸服之外每百里爲差者馬氏以百里納總至二百里三百里俱在甸服之內與史公說又異史公則以爲在王城之外甸服之內餘服又與史公說同故馬以爲面三千里相距爲方六千里則爲其侯服之外每言三百二百里者還就其服之內別爲名耳非是服外更有其地者馬義皆同史公書疏云賈逵馬融以爲甸服之外自皆納總不當有納鉅納結也賈馬鄭說以甸服之內自皆納總不當有納鉅納結之差故不從史公之說亦或本之歐陽夏侯也鄭注見書疏又見詩殷武及天作疏齊譜疏云蠻之言蠻者鄭注周禮大司馬職云蠻者縻也縻猶皆聲近蠻也云每服之外更言三百里二百里是禹所弼之殘數者謂此

書疏第三下

百里納總至五百里米之殘數不在甸服正數之內是禹所輔廣堯封五服皆然則堯之五千里至禹廣爲萬里矣鄭云土廣萬里者然則堯之五千里至禹廣爲萬之非鄭云傳稱禹會諸侯于塗山執玉帛者萬國執玉帛者惟中國耳若要服之內唯止四千率以下等計之正容六千餘國況諸侯之大地方百里三等分土纔容數千安得有萬國之言乎其辨甚當案禹貢山川皆在漢時郡縣之內漢地廣萬里則知禹時五服亦然不得謂鄭說異于今文之非也云甸服比周爲王畿其瀾當侯服云云者文見周禮夏官職方氏詳載阜陶謨罔成五服疏此東漸于海西被于流沙朔南暨聲教訖于四不復出

海注鄭康成曰朔北方也南北不言所至容踰之暨一

作泉漸者漢書集注云入也被者廣雅釋詁云加也

詁云暨與也訖者說文云止也爾雅釋詁云迄止也藝文志引經作迄迄俗字漢書賈捐之傳云以三聖之德

地方不過數千里西被流沙東漸于海胡南暨聲教迄于四海欲與聲教則治之不欲與者不疆治也漢紀引作北盡朔裔南暨聲教欲豫聲教者則治之不欲豫者不疆治也是亦訓暨爲與也與讀爲豫四海者爾雅釋地云九夷八狄七戎六蠻謂之四海鄭注禹錫元圭告見史記集解及書疏云朔北方者釋訓文

厥成功 **注** 史遷說爲帝乃錫禹元圭告成功于天下

禹錫言禹受賜圭者說文云瑞玉也上圓下方公執桓圭九寸侯執信圭伯執躬圭皆七寸子執穀璧男執蒲璧皆五寸以封諸侯从重土古文作珪雜記又云博三寸厚半寸刻上左右各寸半玉也藻三采六等史公以爲帝錫禹者言舜賜禹元圭以酬庸也大平御覽皇王部引尚書旋機鈴曰禹開龍門道積石山元圭出刻曰延喜王受德天錫佩漢武梁祠堂石刻祥瑞圖云元圭水泉疏通四海會同則至則以元圭爲天錫瑞應此今文說也

書疏第三下

三

光緒甲申小春
月白堤八字橋
孫谿槐廬家塾

光緒歲在閏逢涒灘國子監肄業生吳縣朱記榮校刊

禹貢第三下終

